

鍼灸經穴圖攷

足少陰經穴

起於湧泉，終於廉泉，計二十八穴。
左右五十六穴

(1) 湧泉

(2) 然谷

(3) 照海

(4) 太谿

(5) 水泉

(6) 大鍾

(7) 復溜

(8) 交信

(9) 築賓

(10) 陰谷

(11) 橫骨

(12) 大赫

(13) 氣穴

(14) 四滿

(15) 中注

(16) 盲俞

(17) 商曲

(18) 石關

(19) 陰都

(20) 通谷

(21) 幽門

(22) 步廊

(23) 神封

(24) 靈墟


(25) 神藏

(26) 臑中

(27) 輪府

(28) 廉泉





鍼灸經穴圖考卷之五

長安黃維翰竹齋甫纂述

藍田趙不燮和庭甫

同校

寧縣曹 鉅鴻德甫

足少陰經穴

〔靈經脈篇〕腎足少陰之脈起於小指之下邪趨足心〔甲乙〕脈經〔太素〕

〔千金〕作斜趨足心○足少陰之脈起於小指之下受足太陽之交也趨向也足心是湧泉穴處

出於然谷之下

〔甲乙〕無於字〔脈經〕〔太素〕作出於

然骨之下楊上善曰然骨在內踝下近前起骨是也○轉

循內踝之後太谿穴別入跟

出內踝前起大骨之下然谷然谷穴在內踝前下一寸

中水泉大鍾等穴以上端內出臑內廉

〔甲乙〕〔脈經〕〔千金〕作出臑中內廉〔行脈陰太陰兩經之後自復溜交信過足太陰之三



陰交以上端內之榮
竅出髓內廉之陰谷

上股內後廉貫脊屬腎絡膀胱

上股內後廉會於腎脈
之長強以貫脊中還出

於前循橫骨富育俞之所膺之左右屬腎下膺過任脈
之關元中極之分而絡於膀胱膀胱與腎相表裏也

其直者從腎上貫肝膈入

肺中循喉嚨挾舌本

〔甲乙註〕一本云從橫骨中挾膺膈腋裏上行而入肺○其直
行者從育俞屬腎處上行循曲石關陰都通谷諸穴貫肝

循幽門上隔歷步廊入肺中循神封靈墟神藏中俞府而上循喉嚨並人迎挾
舌本廉泉穴而終○挑動脚跟少陰經筋則身體拘攣頭不能仰時作欬喘聲

其支者

從肺出絡心注胸中

其支者自神臆引出繞心注胸中富兩乳間之膻中足少陰經
止於此以交於手厥陰心包絡經也張飛峰曰腎竅有二其脈

交通水火左者直上入肺而循喉挾舌本右者直
行膺腋而上絡心包越人以右腎為命門非也

是動則病饑不欲食

〔類經〕腎雖
陰竅元陽所

居水中有火為脾胃之母陰動則陽
衰陽衰則脾困故雖饑而不欲食

面如漆柴

〔甲乙〕〔脈經〕〔千金〕作面黑如炭色
○水色黑陰邪現於面故如漆腎水虧

水竭則骨
枯故如柴

欬唾則有血喝喝而喘

〔脈經〕〔千金〕作喉鳴而喘○少陰
之生氣不上交於肺而肺氣上逆也

坐而

欲起目眈眈無所見

〔疏音荒〕目之明在瞳子瞳子者骨之精也腎氣內虛則
目眈眈如無所見故凡目多昏黑者必腎之真水已虧也

心



如懸饑狀

謂狀上「甲乙」有若字○心如懸謂心氣若空而無著之貌若饑實非饑而常似饑之狀今人謂之火嘈此由腎水不能上升致心火不能下降故也

氣

不足則善恐心惕惕如人將捕之

「甲乙」無此二句○腎在志為恐腎氣怯故惕惕如人將捕之

是為骨

厥

「厥」作腎厥○腎主骨少陰腎藏之生氣厥逆於下而為此諸病故為骨厥也

是主腎所生病者

足少陰經腎所生病也

口

熱舌乾

「素熱論」少陰脈貫腎絡於肺聚舌本故口燥舌乾而渴

咽腫上氣噤乾及痛

「素奇病論」少陰之脈貫腎聚舌本故不

能煩心心痛

少陰脈支者從肺出絡心水不上濟而火盛於上故為諸證

黃疸

陰虛陽實故為黃疸一云腎水乘脾或為女勞疸其額上必黑

腸

癖

癖音僻○腎開竅於二陰故為腸癖寒則利清熱則便膿血

脊股內後廉痛

「素病能論」少陰脈貫腎絡肺今得肺脈腎為之病故腎為腰

痛之病也

痿厥

氣逆於下則為痿厥

嗜臥

多陰少陽精神匱也「素逆調論」腎者水藏生津液主臥與喘也

足下熱而痛

起

足心氣逆於下也

為此諸病盛則寫之虛則補之熱則疾之寒則留之陷

下則灸之不盛不虛以經取之灸則強食生肉

「千金」作強食而生矣

緩帶



披髮大杖重履而步

披「甲乙」作被。強上聲。強食謂可以多食也。生肉當作牲。肉周禮天官膳用六牲。蓋六牲者人所蒙養其肉皆有補益人。

氣血之功。類經。生肉厚味也。緩帶披髮大杖重履而步。節勞也。厚味所以補精。安靜所以養氣。請經不言此法。而惟腎經言之。以真陰所在。精為元氣之根也。

盛者寸

口大再倍於人迎。虛者寸口反小於人迎也。

足少陰為太陽之裏。故候在寸口。

〔靈本輸篇〕腎出於湧泉。湧泉者足心也。為井木。溜於然谷。然谷然骨之下者也。為榮。注於太谿。太谿內踝之後。跟骨之上陷者中也。為腧。行於復溜。復溜上內踝二寸動而不休。為經。入於陰谷。陰谷輔骨之後。大筋之下。小筋之上者。按之應手。屈膝而得之。為合。足少陰經也。

〔靈根結篇〕少陰根於湧泉。結於廉泉。

〔素刺瘡篇〕舌下兩脈者廉泉也。



〔靈衛氣篇〕足少陰之本在內踝下上三寸中。

踝上二寸復溜交信也。踝下一寸照海也。

標在背膂與舌下兩脈也。

背膂腎膂也。舌下兩脈廉泉也。

〔靈經別篇〕足少陰之正至臍中別走太陽而合。上至腎當十

四腧出屬帶脈直者繫舌本復出於項合於太陽此為一合成

以諸陰之別皆為正也。

〔甲乙〕無成以下十字註云九墟云或以諸陰之別者皆為正也。○頤〔甲乙〕作權同音權。此膀胱與腎為表裏。

故其經脈相為一合也。足少陰之正自臍中合於太陽內行上至腎當十四椎旁腎俞之次出屬帶脈其直者上繫舌本復出於項合於太陽是為六合之一也。然有表必有裏有陽必有陰故諸陽之正必成於諸陰之別此皆正脈相為聯合非旁通交會之謂也餘倣此。

〔靈經脈篇〕足少陰之別名曰大鍾當踝後繞跟別走太陽其

別者並經上走於心包下外貫腰脊其病氣逆則煩悶實則閉



癰〔甲乙〕

作癰閉

虛則腰痛取之所別也

足少陰之絡名大鍾在足跟後骨上兩筋間別走足太陽者也按十二經脈言本經從肺

出絡心此言上走心包下外貫腰脊故其為病如此而治此者當取所別之大鍾也

湧泉

一名地衝

〔甲乙〕腎出湧泉湧泉者木也在足心陷者中屈足捲指宛宛

中

〔千金〕肝經卷云在脚心大趾下大筋上〔外臺〕甄權云在脚心底宛宛中白肉際〔素骨空論〕取足心者使之跪〔王註〕跪而取之者令足心宛宛處深定也〔神照集〕一方曰跪

足第二趾中與大指本節平等〔圖考〕從脚跟往前量至四寸即湧泉穴也在第二胛骨後端與第二楔骨前端相接之間與足背太衝穴內外相對

足少陰脈之

所出也為井刺入三分留二呼吸灸三壯

〔銅人〕鍼五分無令出血灸三壯〔明堂〕灸不及鍼〔素刺禁論〕刺

足少陰脈虛出血為舌難以言〔千金翼〕湧泉刺深殺人

〔靈五邪篇〕邪在腎則病骨痛陰痹陰痹者按之而不得腹脹腰痛大便難肩背頸項痛

〔甲乙〕靈經〔千金〕作頸項強痛時眩取之湧泉崑崙視有血者盡取之



〔熱病篇〕熱病挾臍急痛胸脇滿取之湧泉與陰陵泉 男子如蠱女子如蛆〔甲乙〕〔千金〕

〔外臺〕作如阻身體腰脊如解不欲飲食先取湧泉見血視跗上盛者盡見出也

〔素刺腰痛篇〕腰痛大便難刺足少陰〔甲乙〕湧泉穴主之

〔繆刺論〕邪客於足少陰之絡令人隘痛不可內食無故善怒氣上走贛上刺足下中央之

脈各三疇凡六刺立已左刺右右刺左○〔王註〕謂湧泉穴

〔史記倉公傳〕故濟北王阿母自言足熱而憊臣意告曰熱蹶也則刺其足心各三所案之

無出血病旋已病得之飲酒大醉

〔甲乙〕熱中少氣厥陽寒〔外臺〕作厥寒灸之熱去〔千金〕作灸湧泉煩心不嗜食欬而短氣善喘

喉痹身熱脊脅相引忽忽善忘湧泉主之 足厥喘逆足下滑至膝湧泉主之 少腹中滿

一本作痛小便不利湧泉主之 丈夫癩疝陰跳痛引篡中不得溺腹中支脇下搖滿閉癢

陰痿後時泄四肢不收實則身疼汗不出目眦眦然無所見怒欲殺人暴痛引臍下節時

有熱氣筋舉膝痛不可屈伸狂如新發衄不食喘呼少腹痛引臍〔外臺〕作噎足厥湧泉主之

風入腹中俠臍急胸痛脅擗滿衄不止五指端盡痛足不踏地〔千金〕作足不踐地湧泉主之

肩背頭痛時眩湧泉主之 咽中痛不可內食〔千金〕作皆不能言湧泉主之 婦人無子湧泉

主之

〔千金〕衄時癢癢灸湧泉二穴各百壯 霍亂轉筋灸湧泉六七壯在足下當拇趾大筋上

又灸足大趾下約一壯 凡熱病先腰脛酸喜渴數飲身滑清則項痛而寒且酸足熱不欲

言頭痛頭顛然先取湧泉及太陽并灸 女子無子欬而短氣刺湧泉入三分灸三壯 陰

中懷懷痛刺入三分

〔外臺〕范汪療心疝發時心腹痛欲死方灸足心及足大指中後橫理節上及大指岐間白

黑肉際百壯則止足心者在足下偏近大指本節際不當足心中中央也〔註〕即湧泉穴也

脚氣若心胸氣滿已灸身脛諸穴及服湯藥而氣猶不下煩急欲死者宜灸兩足心下當中

陷處各七炷氣即下此穴尤為極要而不可數灸但極急乃灸七炷耳 石發後變霍亂轉

筋入腹痛方灸脚心下當拇指上七壯 湧泉主癩疾不能言

〔總病論〕熱病先眩冒而熱胸脅滿刺足少陰少陽足少陰湧泉穴在兩脚心陷屈足大指

宛宛中刺入七分瀉之無令血出足少陽俠谿穴在小節岐骨間本節後陷中

〔扁鵲心書〕湧泉二穴治遠年脚氣腫痛或脚心連脛骨痛或下粗腿腫沉重少力可灸五

十壯 腿氣少力或頑麻疼痛湧泉穴五十壯

〔此事難知〕兩手大熱為骨厥如在火可湧泉三壯或五壯立愈

〔壽世保元〕治自縱氣已脫極重者只灸湧泉穴男左女右三壯即活

〔玉龍賦〕兼關元豐隆治尸勞

取氣甚妙

〔百證賦〕專治厥寒厥熱 兼行間治消渴腎竭

〔通玄賦〕治胸結身黃寫此

〔靈光賦〕治婦人疾并男蠱女孕而病痊者千金勿妄傳



〔天星秘訣〕兼除陵治小腸運轉痛

〔串雅〕鼻血不止蒜一枚去皮搗如泥作餅子如錢大左鼻出血貼左足心右鼻出血貼右足心兩鼻俱出俱貼之立瘥（又見萬病回春）

〔驗方新編〕背熱如火此虛火也生附子研末口水調敷兩足心

〔外治醫世方〕中痰厥生附子蒜頭醋煮搗成餅貼湧泉穴若口渴不可便飲茶中寒中風俱可貼 痰喘上氣南星或白芥子用薑汁調敷足心 腦漏一名鼻淵大蒜切片貼足心取效止 鼻血生吳茱萸末津調塗足湧泉穴用山梔炒黑研末吹鼻中效 老人鼻流清涕大蒜搗貼足心 陰虛牙痛緩痛者是生附子研末口水調敷兩足心極效 走馬牙疳牙根腐爛者是生附子一錢生半夏二錢加葱白共搗爛紮脚底男左女右鼻內有氣出即愈 妊娠目鼻咽喉管口諸病多屬熱用吳茱萸五錢研末好溫醋調敷兩足心用布包好過一日夜如覺發熱即愈並治胎上衝心

催生方蓖麻子七粒去殼研如泥入麝香一分再研成膏塗產母足心胎下即洗去遲則子腸出可移塗頂心即收上速去之 及治胞衣不下 尊內赤眼茶調胡黃連末塗手足心即愈 生下腮腫黃柏末水調貼足心效 初生小兒或兩腮腫硬或口內生瘡或生馬牙或重舌木舌蛇舌吐舌及口不開不食乳等證生香附生半夏各二錢研末生雞子調作餅貼兩足心一週即愈此引熱下行法也又吳茱萸四錢好醋調敷兩足心並治口疳及咽喉疼痛 痘證發熱研言亂語生羅蔔搗爛和鉛粉作餅敷脚心

〔良方集腋〕舌爛鮮地龍十條吳茱萸五分共研和加入飛麪少許醋調塗兩足心絹束之



立效並治咽舌生瘡

然谷

一名龍澤 龍泉 然谷

〔甲乙〕然谷者火也在足內踝前起大骨下陷者中

〔千金〕婦人卷
在內踝前直下

一寸〔治療〕
公孫後一寸

足少陰脈之所溜也為榮刺入三分留三呼灸三壯

刺之多見血使人立饑欲食

〔素刺禁論〕刺足下布絡中脈血不出為腫〔王
註〕正當然谷穴分也

〔素繆刺論〕邪客於足少陰之絡令人卒心痛暴脹胸脅支滿無植者刺然骨之前出血如
食頃而已不已左取右右取左病新發者取五日已 人有所墮墜惡血留內股中滿脹不

得前後先飲利藥此上傷厥陰之脈下傷少陰之絡刺足內踝之下然骨之前血脈出血

喘中腫不能內睡時不能出唾者刺然骨之前出血立已左刺右右刺左

〔甲乙〕熱病煩心足寒清多汗先取然谷後取大谿大指間動脈皆先補之 熱病刺然谷

〔千金〕作陷谷 足先寒寒至膝乃出鍼 痔互引身熱然谷意諱主之 心如懸哀而亂善恐

隘內腫心惕惕恐如人將捕之多羨出喘少氣吸吸不足以息然谷主之 癢然谷主之

胸中寒脈代時至〔千金〕作脈代時不至寸口上重下輕足不能地少腹脹上搶心胸痞滿欬



睡有血然谷主之 痿厥痲疾洞泄然谷主之 消渴黃瘵足一寒一熱舌縱煩滿(千金)
作喜然谷主之 女子不字陰暴出經水漏然谷主之(千金)作刺三分灸三壯 小兒脾風口
不開善驚然谷主之

〔千金〕婦人絕子灸然谷五十壯在內踝前直下一寸 腎心痛(外臺)厥心痛與骨相引善瘦
如從後觸其心煩倦者腎心痛也先取京骨崑崙發鍼 不已取然谷 脾心痛(外臺)厥心痛如刺刺
其心痛甚者脾心痛也取然谷太谿 然谷主喉內腫氣走咽喉不能言 主心痛如錐刺甚

者足寒至節不思者死 主洞泄不化 主消渴嗜飲 凡不嗜食刺然谷多見血使人立
饑 主足不能安歷癢不能久立 主五指盡痛足不踐地 主癱疾手臂不能上頭 主

溫瘧汗出 主精溢陰上縮 石水灸然谷氣衝四滿章門

〔百證賦〕此穴易醒脾風

〔大成〕切生小兒脾血撮口灸然谷三壯或鍼三分不見血立效

〔圖翼〕此穴主寫腎藏之熱若治傷寒亦宜出血

照海 即陰陸

〔甲乙〕陰躄脈所生在足內踝下一寸。

〔素氣穴論王註〕陰躄穴在足內
踝下是謂照海〔神農經〕在內踝

直下白肉際是穴〔神應經〕足內踝下四分前後有筋上有踝骨下有軟骨其穴居中〔圖考〕
在足內踝下五分以指甲切之微有一縫即脛骨下端與距骨相接之間即照海穴也與外踝



中脈穴內 刺入四分留六呼灸三壯 「銅人」鍼三分灸七壯

〔靈熱病篇〕目中赤痛從內眥始取之陰蹻 癢取之陰蹻及三毛上及血絡出血

〔甲乙〕目痛引眥少腹偏痛背一作脊 偃僂癢視昏睛臥照海主之寫左陰蹻取足左右少

陰並先刺陰蹻後刺少陰氣在橫骨上 驚二千金一作癢驚 善悲 不樂如墮墜汗

不出面塵黑病飲不欲食照海主之 卒疝少腹痛照海主之痛在左取右右取左立已

偏枯不能行大風默默不知所痛視如見星濁黃小腹熱乾咽照海主之寫在陰蹻右少陰

俞先刺陰蹻後刺少陰在橫骨中 女子不下月水照海主之 婦人陰挺出四肢淫深身

悶照海主之

〔千金〕女人漏下赤白四肢酸削灸漏陰三十壯穴在內踝下五分微動脚脈上 治月經

不斷方灸內踝下白肉際青脈上隨年壯 照海主目痛如見星 主瀉黃水道不通 陰

蹻主臥驚視如見鬼 經逆四肢淫深陰暴跳疝小腹偏痛刺陰蹻入三分灸三壯在內踝

下容爪甲 女子不下月水癢驚善悲不樂如墮墜汗不出刺照海入四分灸三壯在內踝

下四分又主女子淋陰挺出四肢淫深 主陰挺下血陰中腫或癢澀清汁若葵汁

〔外臺〕肘後瘰癧卒腫滿身面首洪大方灸足內踝下白肉際三壯差

〔玉龍賦〕兼支溝能通大便之秘 合內關能醫腹疾之塊

〔神農經〕治月事不行可灸七壯 兼公孫治傷寒四日太陰經再用內關施截法

〔蘭江賦〕痰涎壅塞及咽乾噤口喉風用三稜鍼照海出血刺時安



〔百證賦〕兼大敦治湯寒

〔席宏賦〕兼百會太衝陰交治咽喉疾 兼陰交曲泉關元氣海同寫治七疝如神

〔靈光賦〕二蹻二陵脚氣者取此四穴又兼三里同治脚氣并在腰之疾

〔標幽賦〕兼陽維內關能下胎衣 照海治喉中之閉塞

〔圖翼〕捷法云治小便頻數淋瀝不通小腹冷痛膀胱七疝奔豚偏墜木腎腫大如升發時疼痛衝心小便淋血陰痛遺精白濁夜夢鬼交不禁婦人難產子劫母心不下女子大便不通產後腹痛惡露不已婦人脾病血蠱水蠱氣蠱石蠱單蠱女人血氣虛倦五心煩熱支體盡痛頭目昏沉老人虛損手足轉筋不能舉動霍亂吐瀉寒溼脚氣發熱大痛腎虛脚氣紅腫乾脚氣膝頭內踝五指疼痛身脹滿水蠱喘脹四支面目浮腫婦人瘦損赤白帶下子宮久冷不受胎孕經水正行頭眩小腹空痛月水不調臍腹疼痛及淋瀝不斷等證○已上諸證先以照海為主後隨證加穴分治

〔大成〕潔古曰痢病夜發灸陰蹻照海穴也

案此下四穴先後諸書不同今依圖翼次序

太谿

一名呂細

〔甲乙〕太谿者土也在足內踝後跟骨上動脈陷者中

〔神應〕在內踝後五

藏經文圖考

足少陰經穴

八一馬氏醫學堂 函之一



分「西法」介於
大鍾水泉之間
足少陰脈之所注也為俞刺人三分留七呼灸三壯

「靈九鍼十二原篇」陰中之太陰腎也其原出於太谿○「難經」腎之原出於太谿

「素三部九候論」下部地足少陰也以候腎○「王註」謂腎脈也在足內踝後跟骨上陷中

太谿之分動應手○「活人書」傷寒何以須診太谿脈耶曰太谿穴是足少陰之經男子以

右腎為命門女子以左腎為命門主生死之要病人有命門脈者活無者死故陽寒必診太

谿以察其腎之盛衰也

「氣交變大論」歲土太過雨溼流行腎水受邪太谿絕者死不治

「至真要大論」太陰司天溼淫所勝病本於腎太谿絕死不治

「傷寒論」少陰病手足逆冷發熱者不死脈不至者灸少陰七壯○「活人書」灸太谿七壯

「甲乙」熱病汗不出默默嗜臥溺黃少腹熱噎中痛腹脹內腫羨音涎 心痛如錐鍼刺太谿

主之手足寒至節喘息者死 足少陰瘧令人嘔吐甚多寒少熱欲閉戶牖而處其病難已

取太谿 瘧欬逆心悶不得臥嘔其熱多寒少欲閉戶牖而處寒厥足熱太谿主之 胸脅

痞滿不得俛仰痙瘲欬逆上氣咽喉喝有聲太谿主之 厥氣上搯太谿主之霍亂泄出不

知知先喉啞而不能言手足清濁黃大便難噎中腫痛唾血口中熱唾如膠太谿主之

「脈經」左手關後尺中陽絕者無膀胱脈也苦逆冷婦人月水不調三月則閉男子失精尿

有餘瀝刺足少陰治陰在足內踝下動脈○「註」即太谿穴也

「千金」瘰癧灸內踝後宛宛中隨年壯 太谿主腎內腫氣走咽喉不能言 主腹中相引



痛 主腹中脹腫 主黃瘰 主胞中有暴疝瘕積聚與陰相引痛 主乳癰腫潰

〔外臺〕集驗療胃反吐食方灸內踝下三指稍邪向前有穴三壯即差

〔大成〕東垣曰成痿者以導溼熱引胃氣出行陽道不令溼十剋腎水其穴在太谿浦注賦云牙齒痛堪治

〔神農經〕治牙疼可灸七壯 一云牙疼紅腫者寫之陰股內溼癢生瘡便毒先補後寫

腎瘡嘔吐多寒閉戶而處其病難已太谿大鍾主之腰脊痛大便難手足寒并刺委中大鍾

〔玉龍賦〕合崑崙申脈善療足腫之速

〔百證賦〕兼而陽治寒瘡有驗

〔濟陽綱目〕膏治一男子喉痹於太谿穴刺出黑血半盞而愈

水泉

〔甲乙〕足少陰郄去太谿下一寸在足內踝下刺入四分灸五壯。

〔甲乙〕月水不來而多閉〔外臺〕作月經不來來而多 心下痛目眩眩不可遠視水泉主之

〔千金〕水泉主不字陰暴出淋漏月水不來者悶而心下痛



「百證賦」兼天樞治月潮遠限

大鍾

「甲乙」在足跟後衝中

「素水熱穴論王註」在內踝後「刺腰痛論王註」在足跟後衝中動脈應手「入門」太谿下五分「大成」足跟後踵

中大骨上兩筋間「西法」距水泉上一寸「圖考」從太谿下量約五分於此處再往後量五分適當後跟骨上際之後外有筋腫一條在筋腫之內即大鍾穴也

別走太

陽足少陰絡刺入二分留七呼灸三壯

「靈經脈篇」足少陰之別名曰大鍾當踝後繞跟別走太陽其別者并經上走於心包下外貫腰脊其病氣逆則煩悶實則閉癱虛則腰痛取之所別也

「甲乙」瘡多寒少熱大鍾主之 欬喉中鳴欬唾血大鍾主之 喘少氣不足以息腹滿大便難時上走胸中鳴脹滿口舌中吸吸善驚咽中痛不可內食善怒恐不樂大鍾主之 腰

脊相引如解實則閉癱凄凄腰脊痛宛轉目循循嗜臥口中熱虛則腰痛寒厥煩心悶大鍾主之 大便難大鍾主之

「千金」大鍾主舌本出血 主驚恐畏人神氣不足
「百證賦」兼通里治倦言嗜臥 「標幽賦」治心性之呆痴



復溜

一名伏白 昌陽 伏白

〔甲乙〕復溜者金也在足內踝上二寸陷者中

〔素刺腰痛篇〕王註在內踝後上二寸動脈

〔神應〕在內踝上除踝一寸踝後五分與太谿相直〔大成〕前傍骨是復溜後傍筋是交信二穴止隔一條筋〔西法〕距交信後五分

足少陰脈之所行

也為經刺入三分留三呼灸五壯

〔靈熱病篇〕熱病而汗且出及脈順可汗者取之魚際大淵大都太白寫之則熱去補之則汗出汗出大甚取內踝上橫脈以止之〔總病論〕踝上橫紋不說穴名當是足內踝上二寸名曰復溜主骨寒熱汗注不休故也

〔甲乙〕瘧熱少間寒不能自溫臍脹切痛引心腹留主之 血痔泄〔千金〕下有利字後重腹痛

如癢狀狂仆必有所扶持及大氣涎出鼻孔中痛腹中常鳴骨寒熱無所安汗出不休留主之 噓乾腹痠痛坐臥目眩眈眈善怒多言復留主之 風逆四肢腫復溜主之 乳癰

太衝及復留主之

〔千金〕復留主涎出鼻孔中痛 主舌捲不能言 主血淋 主腸澼便膿血泄痢後重腹

痛如疰狀

〔神農經〕治盜汗不收及面色痿黃可灸七壯



「太乙歌」刺治腰脊閃挫疼痛遊風偏體

「玉龍賦」傷寒無汗宜寫 又云起六脈之沉匿

「攔江賦」傷寒無汗先補合谷次寫此穴

「席宏賦」此穴專治氣滯在腰

「靈光賦」治腫如神

「大成」人脈微細不見或有或無宜於少陰經復溜穴上用圓利鍼鍼至骨處胎鍼下刺候
同附脈陽脈生時方可出鍼

交信

「甲乙」在足內踝上一寸

「素氣穴論」踝上橫二穴「王註」內踝上者交信穴也

少陰前太陰

後

「入門」復溜前三陰交後「金鑑」復溜穴之後二寸許後傍筋交信穴也

筋骨間陰蹻之郄

「素氣府論王註」陰蹻一謂交信穴也

刺入四分留三呼

「素註」留五呼

灸三壯

「甲乙」氣癱癩疝陰急股樞腦內廉痛交信主之
「千金」交信主氣淋 主泄痢赤白漏血



〔百證賦〕癸合陽治女子少氣漏血

築賓

〔甲乙〕陰維之郛在足內踝上臑分中

〔案刺腰痛篇王註〕在內踝後〔聖濟總錄〕內踝上五寸〔治療〕三陰

交直上二寸後開一寸二分〔圖考〕在復溜穴上七寸去足內踝上九寸當臑肉下垂內側之分中由脛骨內廉後量一寸即築賓穴也與太陽經承山穴內外並立有云內踝上五寸者誤也〔入門〕內踝上臑分中骨後大筋上小筋下屈膝取之〔金鑑〕臑者俗名臑肚也 刺入三分 〔銅人〕留五呼 灸五壯

〔甲乙〕狂癲疾陽谷及築賓通谷主之 大疝絕子築賓主之

〔千金〕築賓主癲疾嘔逆 主狂易妄言怒罵

〔圖經〕主治小兒胎疝癲疾吐舌發狂罵昏腹痛嘔吐涎沫足踣痛

〔濟陽綱目〕小兒偏墜得於父已年者或年少多病陰痿精怯強力入房因而有子胎中病也此疝不治惟築賓一穴內踝上五寸臑分肉中灸五壯

陰谷



〔甲乙〕陰谷者水也在膝下內輔骨後大筋之下小筋之上

按肝經曲泉穴在膝橫紋頭是也陰谷穴與曲泉隔一筋〔治療〕在曲泉之後橫直一寸餘微下些 按之應手屈膝得之

腿骨與大腿骨之關節部 足少陰脈之所入也為合刺入四分

〔甲乙〕男子如蠱女子如阻〔大成〕作如蠱寒熱少腹偏腫陰谷主之 狂縮陰谷主之 脊內麻痛癩難除痿不用少腹急引陰及脚內廉〔千金〕作引陰內廉所陰谷主之 婦人漏血腹脹滿不得息小便黃陰谷主之

〔千金〕陰谷主腹脹胃脘暴痛及腹積聚肌肉痛 婦人漏血小腹脹滿如阻體寒熱腹偏腫則陰谷入四分灸三壯

〔蘭室秘藏〕陰谷二穴治膝痛如維不得屈伸舌縱涎下煩逆瀉難少腹急引陰痛股內廉痛婦人漏血不止腹脹滿不得息小便黃如蠱女子如妊身可灸三壯

橫骨 一名下極 屈骨 曲骨

〔甲乙〕在大赫下一寸 〔素水熱穴論王註〕在大赫下一寸各橫相去一寸〔圖翼〕在育俞下五寸去腹中行五分陰上橫骨中○〔大成〕陰上



橫骨中宛曲如仰月中央去腹中行各一寸「西法」去曲骨旁五分「圖考」以手於陰毛上衝按之內有橫骨即交骨又名恥骨於任脈正中橫旁量各五分當橫骨上際即橫骨穴也

脈足少陰之會刺人一寸

「圖考」刺五分

灸五壯

「銅人」灸三壯禁鍼

「素氣府論」俠臍下傍各五分至橫骨寸一股脈法也「王註」謂中注髓府胞門陰關下極五穴左右則十穴也○案大成自育俞至橫骨六穴去腹中行各一寸銅人去腹中行各一寸五分分寸歌橫骨至中注五穴各開中行寸半數說不同今以素問甲乙為正「甲乙」少腹痛滿難陰下縱橫骨主之

「脈經」尺脈浮下熱風小便難宜服瞿麥湯滑石散鍼橫骨關元瀉之 尺脈數惡寒譫下熱痛小便赤黃宜服鴉子湯白魚散鍼橫骨瀉之 尺脈緩脚弱下腫小便難有餘瀝宜服

滑石湯瞿麥散鍼橫骨瀉之

「千金」治婦人遺尿不知出時方灸橫骨當陰門七壯 脫肛歷年不愈灸橫骨百壯

「外臺」橫骨主少腹滿小便難陰下縱卵中痛

「百證賦」兼育俞寫五淋久積

「席宏賦」兼大都治氣滯腰疼不能立

大赫

一名陰維 陰關



〔甲乙〕在氣穴下一寸

〔素水熱穴論王註〕在氣穴下一寸橫相去一寸〔圖翼〕去腹中行五分。金鑿橫骨上行一寸○〔千金〕腎藏卷在屈

骨端三寸一分寸歌開中行寸半大故去腹中行各一寸

衝脈足少陰之會刺入一寸

〔銅人〕灸五壯

〔甲乙〕男子精溢陰上縮大赫主之 女子赤淫〔千金〕作沃大赫主之

〔千金〕男千瘦勞失精陰上縮莖中痛灸大赫三十壯穴在屈骨端三寸

氣穴

一名胞門 子戶

〔甲乙〕在四滿下一寸

〔素水熱穴論王註〕在四滿下一寸橫相去一寸〔圖翼〕去中行五分〔金鑿〕上赫上行一寸○〔千金〕婦人卷胞門

關元左邊二寸是也右二寸名子戶一分寸歌開中行寸半大成去腹中行各一寸

衝脈足少陰之會刺入一寸

〔銅人〕灸三分

灸五壯

〔甲乙〕月水不通奔馳泄氣上下引腰背痛氣穴主之〔千金〕作刺氣穴一寸灸五壯在四滿下一寸

〔千金〕婦人妊子不成若墮落腹痛漏見赤灸胞門五十壯關元左邊二寸是也右邊二寸

名子戶氣穴主五淋不得尿 婦人絕嗣不生灸氣門穴在關元傍三寸各百壯 婦人子

廢閉塞不受精疼灸胞門五十壯



「扁鵲心書」帶下子宮虛寒濁氣凝結下焦衝任脈不得相榮故腥物時下以補宮丸膠艾湯治之甚者灸胞門子戶穴各三十壯不獨病愈而且多子

「學古診則」胞門即臍經之氣穴在關元左旁二寸灸主月事不以時下實氣上下洩利不止子戶在關元右旁二寸半臍主血閉無子

四滿 一名髓府

「甲乙」在中注下一寸

「千金」肺藏卷俠丹田「素水熱穴論王註」中注下一寸橫相去一寸「圖翼」去腹中行五分「金鑑」氣穴穴上行一寸

「分寸歌」開中行寸半「大成」去腹中行各一寸「西法」有下腹動脈

衝脈足少陰之會刺入一寸灸五壯

「銅人」鍼三

分灸三壯

「甲乙」臍下積疝瘕胞中有血四滿主之 振寒大腹石水四滿主之 股澀泄切痛四滿主之

「千金」月水不利貢豚上下并無子灸四滿三十壯穴在丹田兩邊相去各開寸半丹田在臍下二寸是也 奔豚上下灸四滿二七壯穴俠丹田兩傍相去三寸即心下八寸臍下橫

文是也 四滿主子藏中有惡血內逆滿痛疝



中注

「甲乙」在盲俞下五分

「素氣府論王註」在盲俞下五分上直幽門「水熱穴論註」在臍下五分兩傍相去任脈各五分「金鑑」四滿上行一寸

○「分寸歌」開中行寸半「大成」去腹中行各一寸「銅人」「入門」「纂要」盲俞下一寸

衝脈足少陰之會刺入一寸

一云刺五分 灸五壯

「千金」中注主小腹熱大便堅「外臺」作少腹有熱大便難
「大成」主目內眦赤痛女子月事不調

盲俞

「甲乙」在商曲下一寸

「圖翼」富作二寸

直臍傍五分

「千金」直臍旁各五分「圖翼」直臍旁去臍中各五分

分「金鑑」中注上行一寸○「入門」平神闕外一寸半「大成」去腹中行各一寸「西法」有下腹動脈

衝脈足少陰之會刺入一寸

寸「圖翼」一云刺五分 灸五壯



「甲乙」心下大堅有俞期門及中腕主之 大脹寒中〔千金〕作大腹寒 大便乾腹中切痛有
俞主之

「百證賦」乘橫骨寫五淋之久積
「圖翼」主治目赤痛從內眥始

商曲

一名高曲

「甲乙」在石關下一寸

分寸歌「圖翼」去中行五分「金鑑」有俞上行二寸
「大成」去腹中行各一寸五分自幽門至商曲「銅人」去腹

中行五分案註一寸「西法」小腸部

衝脈足少陰之會刺入一寸

「圖翼」云刺五分

灸五壯

「甲乙」腹中積聚時切痛而曲主之

「大成」主腸中痛不嗜食目赤痛從內眥始

石關

一名石關

「甲乙」在陰都下一寸

「分寸歌」「圖翼」開中行五分「金鑑」商曲上行一寸
「大成」去腹中行各一寸五分「西法」小腸部

衝

脈足少陰之會刺入一寸

「圖翼」云刺五分

灸五壯

「銅人」灸三壯



「甲乙」瘁脊強口不開多睡大便難石關主之 婦人子藏中有惡血逆滿痛石關主之

「千金」噫噦嘔逆灸石關百壯 石關主大便閉塞氣結心堅滿

「神農經」治積聚疼痛可灸七壯孕婦禁灸

「百證賦」兼陰交無子可搜

陰郤

一名食官

「甲乙」在通谷下一寸

「分寸歌」開中行五分「圖翼」夾中腕相去五分「金鑑」石關上行一寸「大成」去腹中行各一寸五分「西法」

為小腸部如患胃擴

衝脈足少陰之會刺入一寸灸五壯

「銅人」鍼二分灸三壯「千金」

張證則適當胃部

灸隨

年壯

「甲乙」身寒熱（外證）作身寒熱瘧疾陰郤都主之 心滿氣逆陰郤都主之

「千金」小腸熱滿灸陰郤都隨年壯穴在俠中腕兩邊相去一寸是 肺脹氣搶脇下熱痛灸

陰郤隨年壯穴在俠胃腕兩邊相去一寸胃腕在心下三寸

「圖翼」王治心煩滿恍惚氣逆腸鳴肺脹氣搶喘沫大便難脇下熱痛目痛寒熱瘧婦人

無子藏有惡血腹絞痛

「大成」主目赤痛從內皆始



通谷

〔甲乙〕在幽門下一寸陷者中

〔素氣府論王註〕兩旁相去一寸二分寸歌開中行五分〔圖翼〕夾上腕相去五分〔金鑑〕除

都上行一寸陷中○〔大成〕去腹中行各一寸五分〔西法〕為橫行結腸部

衝脈足少陰之會刺入五分

〔素氣府論王註〕刺入

寸一灸五壯〔明堂灸三壯

〔甲乙〕寒熱目眩脈善欬喘逆通谷主之 食飲善噦不能言通谷主之 舌下腫難言舌縱喝尿不端通谷主之

〔千金〕心痛惡氣上脇急痛灸通谷五十壯在乳下二寸 通谷主結積留飲癰囊胸滿飲食不消 主風痲癱疾涎沫狂煩滿 主心中憤憤數欠癩痢心下悸心中澹澹恐

〔外臺〕通谷主失欠口喞僻不端食飲善噦不得言

〔圖翼〕主治口喞暴積聚痞癰胸滿食不化腸結嘔吐目赤痛不明清涕項似拔不可回顧

幽門 一名上門

〔甲乙〕在巨闕兩傍各五分陷者中

〔金鑑〕通谷上行一寸陷中亦去中行旁開五分○〔入門〕平巨闕外一寸半

足少陰經穴 十五 黃氏醫學叢書之二



「大成」俠巨關兩旁各一寸五分「西法」去肋骨下一寸左為
胃府右覆肝殿分布上腹動脈及第五至第十二肋間神經枝

衝脈足少陰之會刺

入五分

「素氣府論王
註」刺入一寸

灸五壯

「甲乙」胸脅背相引痛心下溷濁嘔吐多唾飲食不下幽門主之

「千金」胸中痛引腰背心下嘔逆面無滋潤灸上門隨年壯穴在俠巨關兩邊相去各半寸
註一云一寸

「外臺」幽門主善噦支滿不能食數欬善忘澹有膿血嘔沫吐涎少腹堅善唾女子心熱逆

氣善吐食不下

「神農經」治心下痞脹飲食不化積聚疼痛可灸十四壯孕婦不可灸

「百證賦」衆玉堂能開微煩心噦噦

步廊 一名步郎

「甲乙」在神封下一寸六分陷者中

「素氣府論王註」俠任脈兩傍橫去任
脈各二寸「入門」去中庭外二寸「金

鑑」幽門上行一寸六分陷中「西法」為第五肋間部即心臟部「圖考」
在第五肋下與第六肋上際相接軟肉之間去任脈二寸即步廊穴也

足少陰脈氣所



發仰而取之刺入四分

「銅人」鍼二分

灸五壯

「甲乙」胸脇痞滿逆不通呼吸少氣喘息不得舉臂步即主之

神封

「甲乙」在靈墟下一寸六分陷者中

「素氣府論王註」俠任脈兩傍橫去任脈各二寸「金鑑」步廊上行一寸六分

「西法」滿當心經部「圖考」在第四肋下與第五肋上際相接軟肉之間

足少陰脈氣所發仰而取之

「千金」仰臥取之

刺

入四分灸五壯

「銅人」鍼三分「西法」鍼則殊危險惟距心臟部五分處宜刺

「甲乙」胸脇痞滿不得息欬逆乳癰洒漸惡寒神封主之
「千金」神封主乳癰聚熱短氣臥不安

靈墟

「甲乙」在神藏下一寸六分陷者中

「素氣府論王註」俠任脈兩傍橫去任脈各二寸「金鑑」神封上行一寸六分



〔西法〕當第三肋間中敲肺葉〔圖考〕在第三肋下與第四肋上相接軟肉之間

足少陰脈氣所發仰而取之刺入

四分〔銅人〕灸五壯

〔中乙〕胸中積滿痛引膈不得息悶亂煩滿不得臥食運壅上之

神藏

〔甲乙〕在臑中下一寸六分陷者中

〔素氣府論〕上註俠任脈兩傍橫去任脈各二寸〔金鑑〕靈墟上行一寸六分

〔真要〕紫宮傍二寸〔西法〕當第二肋間中敲肺葉〔圖考〕在第二肋下與第三肋上際相接之間

足少陰脈氣所發仰而取之

刺入四分〔銅人〕灸五壯

鍼三分

〔甲乙〕胸滿欬逆喘不得嘔吐煩滿不得飲食神藏主之
〔百證賦〕欬喘治胸滿項鬲已試

臑中



〔甲乙〕在輸府下一寸六分陷者中

〔素氣穴論〕註：俠任脈兩傍橫去任脈各一寸〔金鑑〕神藏上行一寸

六分〔靈樞〕靈樞傍二寸〔西法〕當第一肋間〔圖考〕在第一肋下與第二肋上相接軟肉之間

足少陰脈氣所發仰而取之

刺入四分灸五壯

〔甲乙〕取逆上氣羨出多睡呼吸喘坐臥不安〔千金〕外傷一作呼吸喘汗出不安或中上之

〔神農經〕治氣喘痰壅可灸十四壯 傳治欬嗽哮喘病唾血

輸府

一作俞府

〔甲乙〕在巨骨下去璇璣傍各二寸陷者中

〔大成〕氣舍下璇璣旁各二寸〔西法〕當鎖骨下節

中腕肺葉〔圖考〕在鎖骨下第一肋上軟肉間

足少陰脈氣所發仰而取之刺入四分

〔圖入〕刺三分

灸五壯

〔甲乙〕欬逆上氣喘不得息喘吐胸滿不得飲食俞府主之 〔圖考〕熱嗽寫之冷嗽補之 〔玉龍賦〕養乳稷能治氣嗽痰哮喘



「大成」腹脹不下食飲胸中痛久喘灸七壯神效

廉泉

一名舌本

「素氣府論」足少陰舌下各一。「王註」足少陰舌下二穴在人迎前陷者中動脈前是日月本左右二也足少陰脈氣所發刺入四分。

「靈根結篇」少陰根於湧泉結於廉泉

「衛氣篇」足少陰之標在背膂與舌下兩脈

「刺節真邪篇」欬上氣窮喘胸痛者取之廉泉取廉泉者血變而止

「素刺瘧篇」十二瘧者其發各不同時察其病形以知其何脈之病也先其發時如食頃而

刺之一刺則衰二刺則知三刺則已不已刺舌下兩脈出血舌下兩脈者廉泉也

案此穴諸家脫闕今據纂要以補之



手厥陰經穴

起於天池。終於中衝。計九穴。

左右十八穴

(1) 天池

(2) 天泉

(3) 曲澤

(4) 郄門

(5) 間使

(6) 內關

(7) 大陵

(8) 勞宮

(9) 中衝





手厥陰經穴

〔靈經脈篇〕心主手厥陰心包絡之脈

〔中乙〕脈經無心包絡三字

起於胸中

出屬心包絡

手厥陰心包絡之脈起於胸中出屬心下之包絡受足少陰腎經之交也心包絡包心之膜絡也○滑伯仁曰或問手厥陰經曰心主又曰心包絡

何也曰君火以明相火以位手厥陰代君火行事以用而言故曰手心主以經而言則曰心包絡一經而二名實相火也

下膈歷絡三焦

〔中乙〕作高○包

絡為心之外衛三焦為蔽府之外衛故為表裏而相絡諸經皆無歷字獨此有之蓋指上中下而言上焦即膻中中焦即中脘下焦即臍下一寸任脈之陰交穴為三焦募也

其支

者循胸出脇下腋三寸

脇上際為腋腋下三寸天池穴也手厥陰經始此

上抵腋下

天泉穴

循臑

內行太陰少陰之間

〔太素〕循上有下字○手之三陰厥陰在中故行太陰少陰之間

入肘中

曲澤穴在肘內廉大筋內側橫

文頭陷中下臂行兩筋之間

臂上〔甲乙〕有循字○有邪門間使內關大陵等穴

入掌中

〔甲乙〕無此三字○勞宮穴在掌中央

循中指出其端

循中指內廉出其端之中衝穴手厥陰經止此

其支者別掌中循小指次指



出其端

小指次指謂小指之次指即無名指手厥陰之支脈
自勞宮別行無名指端而接於手少陽三焦經也

是動則病手心熱

臂肘攣急腋腫

此經氣之病於外也

甚則胸脇支滿心中憺憺大動而赤目

黃喜笑不休

憺憺「脈經」太素作滂滂喜笑不休「脈經」千金作善笑不休○憺
往端切又音淡○其謂相火熾甚為變動也憺憺動而不尋親心之華在

面心之使為目心在聲為笑而赤目黃喜笑似君火之作威
而豈知實相火之不靖乎蓋其別從外而內其有餘於內也

是主脈

「甲乙」註一
作心包絡

所

生病者煩心心痛掌中熱

諸脈雖屬於心而行太陰肺部脈之運動皆由包絡
之火故又為心包所主心主血而包絡代君行令故

主脈是主脈之句絡所生病者煩
心心痛掌中熱蓋目內而外也

為此諸病盛則寫之虛則補之熱則疾

之寒則留之陷下則灸之不盛不虛以經取之盛者寸口大一

倍於人迎虛者寸口反小於人迎也

手厥陰為少陽之
裏故候在寸口

「靈本輸篇」心出於中衝中衝手中指之端也為井木

「類經」此
下五臟皆



屬手厥陰之穴而本經直指為心膈者正以心與心包不同一藏其氣相通皆心所主故諸邪之在於心者皆在於心之包絡包絡者心主之脈也邪客篇曰手少陰之脈獨無膈正此之謂

溜於勞宮勞宮掌中中指本節之內間也為榮注於大陵大陵

掌後兩骨之間方下者也為膈方下謂正當兩骨之下也行於間使間使之道

兩筋之間三寸之中也有過則至無過則止為經有過有病也此脈有病則至無病則

止入於曲澤曲澤肘內廉下陷者之中也屈而得之為合手少

陰也以上心主五膈皆心所主故曰手少陰也

〔靈樞氣篇〕手心主之本在掌後兩筋之間二寸中內關穴也標在

腋二三寸也天池穴也

〔靈經別篇〕手心主之正別下淵腋三寸入胸中別屬三焦出

咸安經穴圖考 卷五 手少陰經穴 二十一 黃氏醫學叢書之一



循喉嚨出耳後合少陽完骨之下此為五合也

手厥陰之正其別而內行者與少陰之脈同自

腋下三寸足少陽游腋之次入胸中屬於三焦乃出循喉嚨行耳後合手足少陽於完骨之下此六合之五也

〔靈經脈篇〕手心主之別名曰內關去腕二寸出於兩筋之間

循經以上繫於心包絡心系實則心痛虛則為頭強

〔甲乙〕作虛則為煩心

取之兩筋間也

手厥陰之絡名內關在掌後去腕二寸兩筋間別走少陽者也此經繫心包絡心系又去耳後合少陽完骨之下故邪實則心痛虛則頭強不

利也皆取內關或瀉或補以治之

天池 一名天會

〔甲乙〕在乳後一寸

〔素氣府論註〕在乳後二寸〔入門〕乳下二寸側脇陷中

腋下三寸著脇直

掖掖肋間

著〔素氣府論王註〕作撻〔新考正〕撻蠅起之貌〔金鑑〕在乳旁二寸許直腋下行三寸脇之撻起肋骨間是其穴也〔西法〕在第四肋間肺腋其中



「圖考」從腋縫下量三寸再於乳頭外際往外橫量一寸以手按之適當第四肋下際軟肉之間即天池穴也
手厥陰足少陽脈之會刺

入七分、「素氣府註」刺入三分「刺禁論」刺掖
灸三壯

「甲乙」寒熱胸滿頭痛「千金」外臺作頸痛四肢不舉掖下腫上氣胸中有聲喉中鳴天池主之

「千金」治頸漏瘰癧灸百壯
「百證賦」兼委陽穴腋腫鍼而速散

天泉 一名天溫 天溼

「甲乙」在曲腋下去臂二寸舉臂取之
「千金」外臺作掖下二寸舉腋取之「圖翼」去肩臂二寸「圖考」

從腋窩中往肱內直下量二寸以手切之
有肌腱兩條在兩腱之間即天泉穴也
刺入六分
日刺二分
灸三壯

「甲乙」石水天泉主之 足不收痛不可以行天泉主之
「外臺」天泉主心痛胸中痛脇支滿痛膺背甲間兩臂內廉痛

曲澤



「甲乙」曲澤者水也在肘內廉下陷者中屈肘得之「神應經」肘內廉陷中屈肘得

之大筋內側橫紋中動脈是「治療」即尺澤之內側「圖考」在肘內橫紋陷凹中以手按之適當肱骨與撓尺二骨相接之間即曲澤穴也

手心主脈之所

入也為合

「素氣穴論王註」刺入三分「銅人」鍼入二分

留七呼灸三壯

「甲乙」心膺愴然「外臺」作心痛卒欬逆心下澀然善驚身熱煩心口乾手清逆氣嘔血「千金」作嘔延時瘳善搖頭頰青汗出不過肩傷寒溫病曲澤主之

「百證賦」兼少商治血虛口渴

郄門

「甲乙」手心主郄去腕五寸

「千金衍義」外臺云去內關五寸手厥陰郄也案今本同「甲乙」入門大陵後五寸「大成」掌後去腕五寸

寸「西法」上大陵五寸以曲澤為的適在兩筋之間「圖考」當撓尺二骨及兩筋之間

刺入三分灸三壯

「銅人」灸五壯

「甲乙」心痛衄噦嘔血驚恐畏人神氣不足郄門主之

欬血「千金」作衄血大陵及郄門主之



「千金」犯丁瘡方灸掌後橫文後五指男左女右七壯即瘡已用得效丁腫灸法雖多然此
一法甚驗出於意表也 邪門主衄血吐血

間使

「甲乙」間使者金也在掌後三寸

「神應經」在掌後橫紋上三寸

兩筋間陷者中

「人門」

大陵後三寸「診則」對支溝「圖考」當撓骨尺骨及兩筋間

手心主脈之所行也為經

「靈本輸篇」有過則至無過則止

刺

入六分

「銅人」鍼三分「玉龍歌註」間使鍼透支溝如脾寒可灸

留七呼灸三壯

「銅人」灸五壯「明堂」灸七壯

「甲乙」熱病煩心善嘔胸中澹澹善動而熱間使主之 卒心中痛痰癢互相引肘內廉痛
心敖敖然間使主之 胸痺引背時寒間使主之 頭身風善嘔怵寒中少氣掌中熱肘急

附腫間使主之 心懸如飢狀善悲而驚狂面赤目黃「千金」指不能言間使主之

「肘後」治霍亂乾嘔者灸手腕後三寸兩筋間是左右各七壯名間使若止厥嘔灸之使通

「千金」治小兒中風客忤而吐不止者方灸手心主間使大都隱白三陰交各三壯「翼方」灸而便七壯諸風灸間使 壯 狂邪發無常披髮大喚欲殺人不避水火及狂言妄

語灸間使三十壯亦治驚恐歌哭 鬼魅灸入髮一寸百壯又灸間使手心各五十壯 乾嘔不止粥食湯藥皆吐灸手間使三十壯若四厥脈沉絕不至者灸之便通此法能起死人



十三鬼穴此名鬼路鍼百邪癩狂富在第九次下鍼 治久疽方灸間使後一寸隨年壯
立痿 治卒死無脈無他形候陰陽俱竭故也鍼間使各百餘息又灸鼻下人中 間使主
噤中如扼〔甲乙〕作行間 主手痛

〔外臺〕間使主瘡不能語咽中硬頭大浸淫

〔神農經〕治脾寒寒熱往來渾身瘡疥灸七壯

〔太乙歌〕兼風池環跳治瘧疾 兼氣海中極三里刺小腹便澀

〔玉龍賦〕治瘰癧

〔百證賦〕兼天鼎治失音休遲

〔靈光賦〕兼水溝治邪癩

〔捷徑〕治熱病煩燥

〔大成〕主傷寒結胸婦人月水不調血結成塊

內關

〔甲乙〕手心主絡在掌後去腕二寸

〔入門〕大陵後二寸〔圖翼〕掌後去腕二寸兩筋間與外關相對〔圖考〕在撻

尺二骨及兩筋之間

別走少陽刺入二分灸五壯

〔銅人〕鍼五分灸三壯



「靈經脈篇」手心主之別名曰內關去腕二寸出於兩筋之間循經以上繫於心包絡心系實則心痛虛則為頭強取之兩筋間也

「甲乙」面赤皮熱熱病汗不出中風熱目赤黃肘舉腋腫實則心暴痛虛則煩心心惕惕不能動失智內關主之心澹澹而善驚恐心悲內關主之

「千金」治風齒疼痛方灸外踝上高骨前交脈三壯又以線量手中指至掌後橫文折為四分量橫文後當臂中灸一壯愈灸當隨左右 內關主手中風熱

「神農經」治心疼腹脹腹內諸疾可灸七壯

「玉龍賦」合照海能醫腹疾之塊

「席宏賦」兼公孫治肚痛

「攔江賦」治傷寒太陰經四日者先用照海公孫後用內關施治

「百證賦」兼建里掃盡胸中之苦悶

「標幽賦」胸滿腹刺痛刺內關

「捷法」治胸滿胃脘不快傷寒中焦痞滿兩脇刺痛嘔吐不已脾胃氣虛心腹脹滿脇肋下疼心腹刺痛痞塊食積不散人漸羸瘦血塊氣凝藏府虛寒風壅氣滯大腸虛冷脫肛不收大便艱難用力脫肛礙毒腫痛便血不止五痔五痢口吐涎沫心性呆癡心驚發狂悲泣不已不識親疎健忘錯亂言語不記或歌或笑神思不安中風不省人事心虛膽寒四體戰掉

○已上諸證先以內關主治後隨證加各穴治之

「入門」傷寒吐法鍼內關入三分先補六次瀉三次行子午搗臼法三次提氣上行又推戰



一次病人多呼幾次即吐如吐不止補九陽數調勻呼吸三十六度吐止徐出鍼急捫穴吐不止補足三里

「大成」楊氏醫案蔡都尉女患風痲甚危予酒鍼內關而甦

「經驗良方」截瘧方用桃仁半片放在內關穴上再用獨蒜一個搗爛掩在桃仁上以布條縛之男左女右臨發日先一二時行之即止

大陵 一名心主

「甲乙」大陵者土也在掌後兩筋間陷者中

「千金」掌後第一橫紋後兩筋間「圖考」在腕橫紋之中

以手切之在撓尺二骨相并之間與腕骨相接之中 手心主脈之所注也為俞刺入六分留七呼

灸三壯 「素氣府論王註」灸七壯「銅人」鍼五分

「靈九鍼十二原篇」陽中之太陽心也其原出於大陵

「雜經」心之原出於大陵

「甲乙」熱病煩心而汗不止肘臂接腫善笑不休心中癢目赤黃小便如血欲嘔胸中熱苦不樂太息喉痺噎乾喘逆身熱如火頭痛如破短氣胸痛大陵主之 心痛善惡厥逆懸心



如體之狀心諸諸而驚大陵及間使主之 兩手舉不收伸及腋偏枯不仁手癱偏小筋急大陵主之 欬血大陵及郄門主之

「脈經」左手關前寸口陽絕者無小腸脈也若臍痹小腹中有疝瘕王月即冷上搶心刺手
心主經治陰心主在掌後橫理中即太陵穴也 左手關前寸口陰實者小實也若心下有
水氣憂恚發之刺手心主經治陰

「肘後」治霍亂若腕者灸手腕第一約理中七壯名心主富中指

「千金」吐血嘔逆灸手心主五十壯「翼方」云太陵是 霍亂若嘔腕者灸心主各七壯 在掌
腕上約中吐不止更灸如前數 大陵主頭痛如破日痛如脫 主欬逆寒熱發 主目黃

振寒 凡卒患腰腫附骨癰疽命腫遊風熱毒此等疾但初覺有異即急灸之從手掌後第
一橫文後兩筋間灸五壯立愈患左灸右患右灸左富中者兩手俱灸 十三鬼穴此為鬼

心治百邪癲狂在第四次下鍼

「保命集」臍鳴無度鍼手厥陰大陵穴

「玉龍賦」兼勞宮療心閉瘡癩 合人中類寫全去口氣 合外關支溝治肚疼秘結

「衛生學問答」令人必吐之法取於葉浸溼紮於兩手腕及兩胸腕少頃必大吐惟此法通
凶猛宜慎用也

勞宮

一名五里 掌中

鍼灸經穴圖考

手厥陰經穴

二十一 黃氏



「甲乙」勞宮者火也在掌中央動脈中

「入門」手掌橫紋中心屈中指取之「銅人」屈無名指取之滑氏云

以今觀之屈中指無名指兩者之間取之為尤「圖考」屈中指無名指兩指縫中適當中指無名指二掌骨之間

手心主脈之所溜也為

榮刺入三分留六呼灸三壯

「明堂」鍼二分得氣即瀉只一度鍼過兩度令人虛禁灸灸令人息因日加

「金匱要畧」婦人傷胎懷身腹滿不得小便從腰以下重如有水氣狀懷身七月太陰當養不養此心氣實當刺寫勞宮及關元小便微利則愈

「甲乙」熱病發熱煩滿而欲嘔噦三日以往不得汗怵惕胸膈痛不可反側欬滿溺赤大便

「千金」作小便血衄不止嘔吐血氣逆噦不止膈中痛食不下善渴舌中燼掌中熱飲嘔勞宮主之 煩心欬寒熱善噦勞宮主之 少腹積聚勞宮主之 胸膈攢滿勞宮主之 風熱善怒中心喜悲思慕欬飲善笑不休勞宮主之 黃瘰目黃勞宮主之 口中腫臭勞宮主

之 小兒口中腥臭胸膈攢滿勞宮主之 「肘後」治中風口喎巴豆七枚去皮爛研爛左塗右手心喎右塗左手心仍以煖水一盞安

向手心須臾即便正洗去藥并頻抽擊中指 「千金」腸癰之為病不動搖灸兩承山又灸足心兩手勞宮各五十壯 心中懊憹痛刺入

五分補之 百邪所病第九鍼手橫文上三寸兩筋間名鬼路註即勞宮穴也 勞宮主苦渴食不下 主熱痔



〔總病論〕熱病三日汗不出怵惕胸脇痛不可轉側大小便血及衄不止氣逆喘噦煩渴食飲不下鍼勞宮在手掌心鍼入五分瀉之

〔玉龍賦〕兼大陵療心悶瘡痍

〔靈光賦〕治勞倦

〔百證賦〕兼後谿可治三消黃疸

〔通玄賦〕能退胃翻心痛

〔捷徑〕治憂噎 一傳癩狂灸此效

〔大成〕小兒口有瘡蝕腥臭穢氣衝人灸勞宮二穴各一壯

〔外治毒世方〕癆病火動陽物易舉皮消放手心內兩手合住其消自化陽物即不舉矣以燒酒和泥敷陰毛上陽物即復舉

中衝

〔甲乙〕心主出中衝中衝者木也在手中指之端

〔大全〕手中指端內廉

去

爪甲

〔素氣穴論王註〕去爪甲角

如韭葉陷者中

〔圖考〕在中指端爪甲內分許

手心主脈之所出

也為井刺入一分留三呼灸一壯



「素繆刺論」邪客於手陽明之絡令人耳聾時不聞音刺手大指次指爪甲上去端如韭葉各一疝立聞（王註）商陽穴不已刺中指爪甲上與肉交者立聞謂中衝穴其不聾聞者不可刺也

「甲乙」熱病煩心心悶而汗不出掌中熱心痛身熱如火浸淫煩滿舌本痛中衝主之耳鳴取手中指爪甲上左取右右取左先取手後取足

「神農經」治小兒夜啼多哭灸一壯炷如小麥

「百證賦」兼廉泉堪攻舌下腫痛 一云主神氣不足失志

「乾坤生意」此爲十井穴治回手太陰經少商穴

手少陽經穴

起於關衝終於瞳子膠計二十七穴

左右五十四穴

(1) 關衝

(2) 液門

(3) 中渚

(4) 陽池

(5) 外關

(6) 支溝

(7) 會宗

(8) 三陽絡

(9) 四瀆

(10) 天井

(11) 清冷淵

(12) 消灤

(13) 曲垣

(14) 肩外俞

(15) 肩中俞

(16) 肩井

(17) 天髎

(18) 天牖

(19) 天容

(20) 翳風

(21) 瘰脈

(22) 角孫

(23) 上關


(24) 聽會

(25) 耳門

(26) 和鄉

(27) 瞳子膠





手足四穴
 十四穴
 式五



手少陽經穴

「靈經脈篇」三焦手少陽之脈起於小指次指之端

小指次指即無名指也三焦手

少陽之脈起於無名指外側之端關衝穴受手心主脈之交也

上出兩指之間

即小指無名指之間液門中渚穴也

循手表腕出

臂外兩骨之間

「太素」手表下無腕字○手表之腕陽池也臂外兩骨間外關支溝等穴也

上貫肘循臑外上肩

而交出足少陽之後

自會宗三陽絡四瀆上貫肘之天井循臑外行手太陽之前手陽明之後歷清冷淵消深上肩循曲垣之後外俞中俞左右互

交會於大椎從肩井自天膠而交出足少陽之後

入缺盆布臆中

布「脈經」作交

散絡心包下膈循屬

三焦

「甲乙」脈經「千金」「太素」作循屬三焦○此言經之行於內者入缺盆復由足陽明之外下布臆中散絡心包相為表裏乃自上焦下隔循中焦下行並足太陽之正入

絡膀胱以約下焦故太陽經委陽穴為三焦下輔臉也

其支者從臆中上出缺盆上項繫耳後

「甲乙」

「脈經」「千金」作俠耳後種牛痘於兩臂少陽經消深清冷淵

一穴按日種漿結痂診察兒童耳後之脈絡可驗痘證之吉凶

直上出耳上角以屈

疏經穴圖考

卷五

手少陽經穴

二十七

黃氏醫書卷之二



欽定四庫全書

下頰 「甲乙」脈經 **至頰** 頰音拙目下也○此節言其支之行於外者自臚中上行出

角孫過足少陽之懸釐頰厭下行 **耳頰至頰會於手太陽額膠之分** 其支者從耳後入耳中出走耳前過客

主人前交頰至目銳眦 「素診要經論王註」支下有別字○此支從耳後翳風

頰循知髻上缺竹空至目銳眦會於瞳子 **是動則病耳聾渾渾焯焯噎腫**

喉痹 痺屯吞二音○渾渾焯焯耳聾聽不分明之貌病耳聾者以其脈繫耳後直上耳上角

其支者復從耳後入耳中出走耳前支脈穿互入出發應故令渾渾焯焯也三焦之氣 **是主氣所生病者** 三焦為決瀆之官水病必

通於喉喉不和則辨腫矣少陽之上相 **汗出** 三焦出氣以溫肌肉充皮

膚故為汗出陽加於陰也 **目銳眦痛頰腫耳後肩臑肘臂外皆痛**

小指次指不用 頰下「甲乙」無讀字用上有為字○以上

證皆本經之脈所循之部分而為病也 **為此諸病盛則寫**

之虛則補之熱則疾之寒則留之陷下則灸之不盛不虛以經



取之盛者人迎大一倍於寸口，虛者人迎反小於寸口也。

手少陽為

厥陰之表故候在人迎

〔靈本輸篇〕三焦者上合手，少陽出於關衝，關衝者手小指次

次指之端也，為井，金溜於液門，液門小指次指之間也，為榮，注

於中渚，中渚本節之後，陷者中也，為腧，過於陽池，陽池在腕上

陷者中也，為原，行於支溝，支溝上腕三寸兩骨之間，陷者中也，

為經，入於天井，天井在肘外大骨之上，陷者中也，為合，屈肘乃

得之，三焦下腧在於足大指之前，少陽之後，出於臑中，外廉名

曰委陽，是太陽絡也。

〔類經〕足大指當作足小指，靈小指乃是太陽脈氣所行，而三焦下腧則並足太陽經出小指之前，上行足少陽經之後，上出

減於經穴圖考 卷五 手少陽經穴 二十八 黃氏醫書 卷之二



腦中外廉委陽穴是足太陽之絡也邪氣蔽府病形篇曰三焦病者候在足太陽之外大絡大絡在太陽少陽之間則此為小指無疑案三焦者雖經屬手少陽而下脛乃在足可見三焦有上中下之分而通身脈絡無所不在也

手少陽經也以上三焦之脛皆手少陽經也
三焦者足少陽太陰之所將陽陰二字互謬也當作少陰太陽蓋三焦屬腎與膀胱也
太陽之別也上踝五寸別入貫膈腸

出於委陽並太陽之正入絡膀胱約下焦實則閉癰虛則遺溺

遺溺則補之閉癰則寫之癰良中切翹娘吊切○此復言三焦下脛之所行及其所主之病也將領也三焦下脛即足太陽之別絡故曰

蹠上五寸間別入膈腸以出於委陽穴乃並太陽之正脈入絡膀胱以約束下焦而其為病如此

「靈根結篇」手少陽根於關衝溜於陽池注於支溝入於天牖

外關也

「靈衛氣篇」手少陽之本在小指次指之間上一二寸「甲乙」作二寸註云一作二寸



○富是液
門穴也

標在耳後上角

富是角
孫穴

下外眚也

當是絲
竹空也

〔靈經別篇〕手少陽之正指天別於巔入缺盆下走三焦散於

胸中也

指天者天屬陽運於地之外手少陽之正上別於巔入
缺盆下走三焦散於胸中包羅藏府之外故曰指天

〔靈經脈篇〕手少陽之別名曰外關去腕二寸外透臂注胸中

合心主病實則肘攣

〔甲乙〕
無病字

虛則不收取之所別也

手少陽之絡名
外關在腕後二

寸兩筋間別走手厥陰心主者也此經透臂故
為肘攣及不收之病治此者當取所別之外關

關衝

〔甲乙〕三焦上合手少陽出於關衝關衝者金也在手小指次

指之端

〔圖翼〕無名
指外側端

去爪甲角如韭葉手少陽脈之所出也為井



刺入一分留三呼灸三壯

「外臺」甄權云不宜灸「銅人」灸一壯

「靈熱病篇」喉痹舌卷口中乾煩心心痛臂內廉痛不可及頭取手小指次指爪甲下去端如韭葉○「甲乙」取關衝「張註」取關衝寫其相火則諸病平矣

「厥病篇」耳鳴取手小指次指爪甲上與肉交者先取手後取足○「張註」乃手少陽之關衝

「素繆刺論」邪客於手少陽之絡令人喉痹舌卷口乾心煩臂外廉痛手不及頭刺手中指次指爪甲上去端如韭葉各一疇壯者立已老者有頃已左取右右取左此新病數日已

○「王註」謂關衝穴「新校正」案甲乙經關衝穴出手小指次指之端今言中指者誤也「中乙」肘痛不能自帶衣起頭眩領痛面黑風肩背痛不可顧關衝主之霍亂關衝主之

「千金」關衝主肩臂痠重主面黑渴風「外臺」關衝主熱病汗不出霍亂寒熱耳聾鳴

「保命集」眼大皆痛刺少陽井穴關衝

「玉龍賦」壅熱盛於三焦關衝最宜

「百證賦」兼啞門治舌緩不語

「捷徑」治熱病煩心滿悶汗不出掌中大熱如火舌木痛口乾消燥久熱不去

「乾坤生意」此為十井穴治回手太陰經少商

「圖翼」主三焦邪熱口渴唇焦口氣宜寫此出血



液門

〔千金〕作掖門 〔外臺〕作腋門

〔甲乙〕液門者水也在小指次指間陷者中

〔入門〕小指次指本節前陷中〔大成〕小指次指岐

骨間陷中握拳取之〔西法〕適當無名指第三指骨與第二指骨之間

手少陽脈之所溜也為榮刺人三分

〔銅人〕鍼二分留二呼〔玉龍歌〕

註液門沿皮鍼向後透陽池

灸三壯

〔甲乙〕瘡項痛因忽暴逆掖門主之 風寒熱腋門主之 膽眩寒厥手臂痛善驚妄言面赤泣出腋門主之 下齒齲則上齒痛掖門主之

〔千金〕掖門主耳痛鳴聲 主呼吸氣短咽中如息肉狀 治耳聾不得眠刺入三分補之

〔外臺〕腋門主熱病汗不出風寒熱狂疾瘧頭痛目澀暴變耳聾鳴眩

〔玉龍賦〕兼中渚治手臂紅腫

〔百證賦〕兼魚際能療喉痛

〔圖翼〕若手臂紅腫痛楚寫之出血為妙

中渚

一名下都



「甲乙」中渚者木也在手小指次指本節後陷者中

「神應」在無名指本節後

陷中液門下一寸「圖考」在液門上一寸「入門」握拳取之「圖考」在手小指與無名指掌骨上端之間

手少陽脈之所注也為俞

刺入二分留三呼

「銅人」鍼三分

灸三壯。

「甲乙」瘧發有四時面上赤眦眦無所見中渚王之 眦外腫肘臂痛五指痠不可屈伸頭眩領顛顛痛中渚主之 狂互引頭痛耳鳴目痺中渚主之 耳聾兩顛顛痛中渚主之

「千金」中渚主目眦眦無所見惡風寒 主五指掣不可屈伸

「外臺」中渚主熱病汗不出頭痛耳鳴目痛寒熱喉痺

「太乙歌」刺久患腰疼背痛

「玉龍賦」兼液門治手臂紅腫○「圖翼」寫之出血

「席宏賦」治久患傷寒肩背痛

「通玄賦」脊心後痛鍼此立愈

「靈光賦」五指不便取中渚

陽池

一名別陽



〔甲乙〕在手表腕上陷者中

〔入門〕手掌背橫紋陷中〔圖象〕日本節後骨直對腕中〔大成〕從指本節直摸下至腕中心一圓

考一適當腕骨與臂骨相接之間

手少陽脈之所過也為原刺人三分留三呼灸五壯

素氣穴論王註「留六呼灸三壯」銅人「不可灸」指微

賦一鍼透抵大陵穴不可破皮不可搖手恐傷鍼轉曲

〔難經〕三焦之原出於陽池

〔甲乙〕肩痛不能自舉汗不出頸痛〔外臺〕作頸腫陽池主之

〔千金〕治消渴口乾煩悶灸陽池五十壯

〔外臺〕陽池主寒熱瘡癤

〔神農經〕治手腕疼無力不能上舉至頭可灸七壯

〔大成〕王因折傷手腕捉物不得肩臂痛不得舉

外關

〔甲乙〕手少陽絡在腕後二寸陷者中

〔入門〕陽池後二寸〔大成〕腕後二寸兩骨間與內關相對〔西法〕

去支溝下一寸〔圖考〕

在尺骨撓骨之間

別走心主刺入三分留七呼灸三壯



「靈經脈篇」手少陽之別名曰外關去腕二寸外繞臂注胸中合心主病實則肘臂虛則不收取之所別也

「甲乙」口僻禁外關主之 肘中澀澀臂內麻痛不可及頭外關主之

「外臺」外關主耳焯焯渾渾雙無所聞

「神農經」治肘臂不得屈伸五指盡疼不能握物可灸七壯

「玉龍賦」兼大陵支溝治吐痛秘結

「捷徑」治臂膊紅腫支節疼痛足內踝骨紅腫痛手足指節痛不能屈伸五臟六府結熱吐血妄行不已鼻衄不止吐血昏暈不省人事虛損氣逆陽乘於陰則血熱妄行陰乘於陽則血寒亦吐名心肺二經嘔血舌強難言及生白胎重舌腫脹熱極口內生瘡舌吐不收舌縮不能言腎吻破裂血出乾癩頭生癩瘰結核邊頸連胸耳根頸項腫痛不消目生翳膜隱澀難辨風沿爛眇迎風流淚目風腫痛勞肉擊睛暴赤腫痛○已上諸證先以外關主治後隨證分穴治之

支溝 一名飛虎

「甲乙」支溝者火也在腕後三寸兩骨之間陷者中

「入門」陽池後三寸兩筋

骨間「金鑑」外關上行一寸「西法」在陽池上三寸當兩骨陷凹處去會宗旁一寸 手少陽脈之所行也為經刺入二



分留七呼灸三壯

「銅人」灸二七壯
「明堂」灸五壯

「甲乙」欬面赤熱支溝主之 馬刀腫瘦目痛肩不舉心痛痞滿逆氣汗出口噤不可開支
溝主之 熱病汗不出互引頸噎外腫肩臂瘦重脇腋急痛不舉痲疥項不可顧支溝主之

男子脊急目赤支溝主之 暴痞不能言支溝主之

「千金」治諸風灸支溝二處各七壯穴在手腕後臂外三寸兩骨間是 支溝主心痛如錐
刺甚者手足寒至節不息者死 主女子脊忽痛 治頸瀉馬刀灸百壯

「玉龍賦」兼照海能通大便之秘 合外關大陵治肚疼秘結

「標幽賦」脇疼肋痛鍼飛虎「註」即支溝穴以手於虎口一飛中指盡處是穴也

「圖翼」主治霍亂嘔吐口噤暴痞鬼擊卒心痛產後血暈不省人事凡三焦相火熾盛及大
便不通脇肋疼痛者俱宜寫之

會宗

「甲乙」手少陽郄在腕後三寸空中

「入門」支溝外旁一寸空中「神照集」
在腕後三寸如外五分「圖翼」一云空

中一寸「金鑑」支溝會宗二穴相並平直空中相離一寸「西法」上陽池三寸離支溝約一寸
偏在拇指之一側即撓骨一面「圖考」從支溝往外側橫量一寸當尺骨外廉之上在小指之



後以手切之微有一上下縫即會宗穴也西法云在拇指之側非也

刺入三分

「明堂」
禁鍼

灸三壯

「銅人」
灸七壯

「甲乙」發弱風及會宗下空主之

「外臺」會宗主肌肉痛耳聾羊癩

三陽絡

一名通間

「甲乙」在臂上大交脈支溝上一寸

「入門」陽池後四寸「西法」直對四指下二寸「鬲考」在撓尺二骨之間

不可刺

「明堂」
禁鍼

灸五壯

「外臺」灸九壯
「銅人」灸七壯

「素骨空論」臂骨空在臂陽去踝四寸兩骨空之間○「王註」在支溝上一寸是謂通間

「新校正」案甲乙經支溝上一寸名三陽絡通間豈其別名歟

「甲乙」皮寒熱皮不可附席毛髮焦鼻癢不得汗取三陽之絡補手太陽

能動搖大溢一本作澤三陽絡主之內傷不足三陽絡主之

「大成」三陽絡主暴瘖耳聾



四瀆

〔甲乙〕在肘前五寸外廉陷者中。

〔治療〕在三陽絡上一寸五分微前五分。〔圖考〕從肘頂往下五寸適當尺骨外廉

之上與會宗穴上下一直刺入六分留七呼灸三壯。

〔甲乙〕卒氣聾四瀆主之 齒痛〔大成〕主下齒齩痛 四瀆主之
〔千金〕四瀆主聾聾 主呼吸氣短咽中如息肉狀

天井

〔甲乙〕天井者土也在肘外大骨之後。

〔千金〕在肘後外大骨後一寸〔外臺〕作肘外大骨之後肘後一寸

兩筋間陷者中屈肘得之。

〔大成〕肘外大骨後肘上一寸輔骨上兩筋又骨罅中屈肘拱胸取之甄權云曲肘後一寸又手按膝頭取

之〔治療〕在屈肘之肘尖上側二寸陷凹處

手少陽脈之所入也為合刺入一分留七呼灸

三壯。

〔銅人〕鍼三分灸三壯
〔明堂〕鍼二分灸五壯



〔甲乙〕瘧食時發心痛惡傷不樂天井主之 胸痹心痛肩肉麻木天井主之 大風默默不知所痛嗜臥善驚痰癱天井主之 肘痛引肩不可屈伸振寒熱頸項肩背痛臂痿痹不

仁天井主之 癩疾吐血沫出羊鳴鼠頸天井主之

〔千金〕短氣不得語灸天井百壯穴在肘後兩筋間

〔神農經〕治欬嗽上氣風痹肘痛可灸七壯

〔圖翼〕寫一切瘰癧瘡腫癭瘰

清冷淵

一名清冷泉 青吳

〔甲乙〕在肘上一寸

〔原註〕一本作二寸〔千金〕作三寸〔外臺〕〔銅人〕作二寸〔金鑑〕天井上行一寸〔纂要〕以肘上一寸直天井上一寸為是

伸肘舉臂取之刺入三分灸三壯

〔銅人〕 鍼二分

〔甲乙〕頭痛振寒清冷淵主之 肩不可舉不能帶衣清冷淵主之

消灤

一名消燂

〔甲乙〕在肩下臂外開腋斜肘分下脰

〔原註〕一本無脰字〔千金〕〔外臺〕作下行○〔素氣府論王註〕



肩下臂外關接肘肘分下行間手少陽脈之會「引痘畧」消深穴去肩頭四寸「纂要」此穴諸書未謂寸法難得其穴先清冷淵與臚當以其穴正中為本穴也「治療」在臚下二寸「圖考」清冷淵穴上三寸即消深穴也

刺入六分

「素註」刺入五分
「銅人」鍼一分

灸三壯

「中乙」頭痛噴背急消深主之 痺消深主之

「外龜」消深主寒熱碎頭痛

「圖翼」一傳海南治牙疼灸此穴

「引痘畧」種牛痘法於兩臂中消深清冷淵二穴上下交連之處種之乃手少陽三焦經也三焦者人身最關要之府總領五臟六府榮衛經絡內外左右上下之氣三焦通則內外左右上下皆通得其關要之處引之直從皮毛血脈肌肉筋絡同時直傳而入使縱有治毒深藏於腎亦自然同時引挈而出

曲垣

「甲乙」在肩中央曲甲陷者中按之動脈應手

「千金」作按之應手
痛「圖考」從脊骨止

中線向外量五寸適當肩胛骨上
際在乘風穴內二寸即曲垣穴也

刺入八九分灸十壯

「銅人」鍼五分灸三壯
「明堂」鍼九分



「甲乙」肩胛周痺曲垣主之
「大成」曲垣主肩痺熱痛氣注肩胛拘急痛悶
按此穴及下二穴分寸歌及大成屬手太陽今乃考千金外臺合屬手少陽

肩外俞

「甲乙」在肩甲上廉去脊三寸陷者中

「診則註」與大杼平一岡考去曲垣穴二寸去乘風穴四寸 刺

入六分灸三壯。

「甲乙」肩胛中痛而寒至肘肩外俞主之

肩中俞

「甲乙」在肩甲內廉去脊二寸陷者中

「診則」去脊大椎旁二寸西法」雌第七頸椎旁二寸 刺

入三分留七呼灸三壯。



人主木留七呼灸主壯

〔甲乙〕寒熱歷〔外臺〕作寒熱厥目不明欬上氣唾血肩中俞主之

〔千金〕治百種風灸腦後項大椎平處兩廂量二寸三分須取病人指寸量兩廂各灸百壯

肩井 一名膊井

〔甲乙〕在肩上陷者中

〔千金〕〔外臺〕〔素氣穴〕論王註均作陷解中

缺盆上大骨前

〔肘後〕在兩肩

小近頭凹處指捏之安令正得中穴耳〔神照集〕取法肩上陷是缺盆其上二寸半是柱骨如取左穴用本人右手小指按於左肩柱骨尖上平排三指取中指下第一節中是穴取右穴亦

如 是 手少陽陽維之會 〔千金〕屬手陽明經〔外臺〕〔素氣府論王註〕手足少陽陽維之會〔圖翼〕大成〔手足少陽足陽明陽維之會〕 刺

入五分

〔圖翼〕此足陽明之會連五藏氣若刺深令人悶倒速補三里須臾平復凡鍼肩井者皆以三里下其氣一日此藏氣所聚之處不宜補

灸五壯

〔素註〕

灸三壯

〔甲乙〕肩背脾痛臂不舉寒熱凄素肩井主之

〔千金〕治難產方鍼兩肩井入一寸寫之須臾即分娩 上氣欬逆短氣風勞百病灸肩井



二百壯 九漏灸肩井二百壯 臂重不舉灸隨年壯至百壯刺五分補之 卒忤灸百壯 灸癩疔隨年壯

「儒門事親」產後乳汁不下鍼肩井二穴效

「席宏賦」鍼肩井須鍼三里方可使氣調

「百證賦」治乳癰極效

「通玄賦」治兩臂之不勝

「標幽賦」兼曲池甄權刺臂痛而復射

「天星秘訣」兼三里陽陵治腳氣痠痛

「壽世保元」治翻胃垂死法以男左女右拿棍一條伸手放在地上與肩一般高肩上有窩名肩井穴灸三壯即效

「圖翼」主治中風氣塞涎上不語氣逆五勞七傷頭項頸痛臂不能舉或因撲傷腰痛脚氣上攻若婦人難產墜胎後手足厥逆鍼之立愈若灸更勝

「漢藥神效方」凡下顎齒痛灸肩井即效

天窮

「甲乙」在肩缺盆中髂骨之間陷者中

「纂要」髂骨即肩井後與骨是也
「素氣府論王註」作伏骨之陷陷

者中「圖翼」一曰直肩井後一寸「大成」肩缺盆中上慈骨際陷中央須缺盆
陷處上有空起肉上是穴「治療」在鎖骨上窩之上部肩井內一寸後開八分 **手少陽**

陽維之會。「素氣府論王註」手足少陽陽維三脈之會 **刺入八分**。「大成」當缺盆陷上突起肉上鍼之
若誤鍼陷處傷人五臟氣令人卒死

灸三壯。

「甲乙」身熱汗不出胸中熱滿天竅主之
「千金」天竅主肩重痛不舉
「外臺」天竅主肩前中痛引項寒熱缺盆痛

天牖

「甲乙」在頸筋間缺盆上天容後 天容本經穴 **天柱前** 天柱足太陽穴 **完骨後**

完骨足少陽穴 **髮際上**。「千金」髮際上一寸「圖翼」髮際中上夾耳後一寸「十
四經合參」入髮際四分「治療」在風池下一寸微外些 **手少陽脈**

氣所發刺入一分灸三壯。「素氣穴論王註」刺入一寸留七呼灸三壯「銅人」
鍼一寸留七呼不宜補不宜灸灸即令人面腫眼合

鍼灸經穴圖考 卷五 手少陽經穴 二十六 黃氏醫學 醫之一



先收證諸後取天容大池即差若不鍼證諸即難療「明堂」鍼五分得氣即瀉瀉盡更留三呼瀉三吸不宜補「資生」灸一壯

「靈寒熱病篇」次脈足少陽也名天膈暴聾氣蒙耳目不明取天膈

「甲乙」肩背痛寒熱瘰癧遠頸有大氣暴聾氣蒙耳目不開頭額痛淚出鼻衄不得息不知香臭風眩喉痹天膈主之 面附腫先取證諸後取天膈風池主之

「千金」天膈主目泣出 主目不明耳不聰 主鼻不收涕不知香臭 主乳腫缺盆中脈

天容

「甲乙」在耳曲頰後

「千金」外臺作耳下曲頰後

手少陽脈氣所發「圖翼」刺入

一寸灸三壯。

「靈刺節真邪篇」振埃者陽氣大逆上滿于胸中憤膈肩息大氣逆上喘喝坐伏病惡埃煙觸不得息「甲乙」作咽時不得息取之天容取天容者無過一里「張註」一里者如人行一里其氣已通言其速也

「甲乙」疝積胸中痛不得窮屈天容主之 肩痛不可舉天容及乘風主之 頭項癭腫不能言天容主之 耳聾嘈嘈無所聞天容主之

「千金」天容主喉癆哽咽寒熱 主欬逆嘔沫



翳風

「甲乙」在耳後陷者中按之引耳中

「大成」耳後尖角陷中按之引耳中鍼經先以銅錢二十文令患人咬之尋取

穴中「治療」在耳根後距耳約五分之陷凹處

手足少陽之會刺入四分灸三壯

「素氣府論王註」刺入三分「銅人」

鍼七分灸七壯「明堂」灸三壯鍼灸俱令人咬錢令口開

「甲乙」瘖不能言翳風主之 聾翳風及會宗下空主之 口僻不正失欠口不開翳風主之

「千金」治風耳鳴從耳後量八分半裏許有孔灸一切風得瘖狂者亦瘖兩耳門前後各灸一百壯 翳風主牙齒齲痛

「百證賦」兼聽會治耳聾氣閉

「圖翼」主治耳聾口眼喎斜口噤不開脫頰腫頰牙車急痛暴瘖不能言 一云耳紅腫痛為之耳虛鳴補之補多寫少

瘖脈 一名資脈 體脈



〔甲乙〕在耳本後雞足青絡脈

〔新考正〕謂耳後之青色絡脈形如雞爪也
〔治療〕在翳風上一寸稍近耳根青絡上

刺出血如豆汁

〔銅人〕不宜多出

刺入一分灸三壯

〔千金〕不灸

〔甲乙〕小兒疳疔〔千金〕作小兒驚風癱瘓嘔吐泄注驚恐失精瞻視不明眇瞶瘕脈及長強主之

〔大成〕瘕脈王頭風耳鳴

角孫

〔甲乙〕在耳廓中間

〔外邊〕在耳郭中間上

開口有孔

〔素氣府論〕耳郭上各一〔王註〕謂角孫二穴也在耳上郭

表之中間上髮際之下開口有孔〔治療〕當耳殼上角之陷凹處以指按之口開闔時指下覺牽動

手足少陽手陽明之會

〔素氣府論王註〕

手太陽手足少

陽三脈之會

刺入三分灸三壯

〔明堂〕鍼八分

〔還寒熱病篇〕足太陽〔甲乙〕作手太陽有入頰齒者名曰角孫上齒齧取之在鼻與頰前方病之時其脈盛盛則寫之虛則補之一曰取之出鼻外〔甲乙〕作出眉外



〔甲乙〕齒牙不可嚼斷腫魚孫主之
〔圖翼〕主治目生翳齒齦腫不能嚼唇吻燥頸項強一云填治耳齒之病

上關 一名客主人

〔甲乙〕在耳前上廉起骨端開口有孔

〔靈本輪篇〕刺上關者喙不能欠
〔張註〕喙大張口貌欠撮口出氣

也刺上關者必開口有空故法不能欠○〔醫林纂要〕在耳目相去中間今俗謂之
太陽筋〔金鑑〕聽會上直行一寸〔治療〕即顙骨橋之上口〔圖翼〕側臥張口取之

手少陽

足陽明之會

〔外臺〕在足陽明經〔素府論王註〕手足少
陽足陽明三脈之會〔圖翼〕在足少陽經

刺入三分留七呼

灸三壯刺太深令人耳無聞

〔素刺禁論〕刺客主人內陷中脈為內漏為弊〔銅
人〕灸七壯禁鍼〔明堂〕鍼一分得氣即瀉口灸七

壯至二
百壯

〔靈口問篇〕人之耳鳴者何氣使然曰耳者宗脈之所聚也故胃中空則宗脈虛虛則下溜
脈有所竭者故耳鳴補客主人手大指爪甲上與肉交者也

〔甲乙〕瘰癧口沫出上關主之 青盲瞤目惡風寒上關主之 耳痛聾鳴上關主之刺不
可深 上齒痛惡風寒者上關主之



〔千金〕上關主風病癱瘓沫出寒熱瘧引骨痛
〔圖翼〕主治口眼偏斜耳聾耳鳴聵耳目眩齒痛癱瘓口噤不能嚼物

聽會 一名聽河 後滿

〔甲乙〕在耳前陷者中張口得之動脈應手

〔圖翼〕在耳前陷中客主人下一寸動脈宛宛中去耳珠

下開口有空側臥張口取之〔金鑑〕耳前起骨上面下一寸〔診則〕在耳前尖珠陷中 手少陽脈氣所發

〔素繆刺論王註〕正當手陽明脈之分

刺入四分灸三壯

〔銅人〕鍼三分留三呼得氣即瀉不須補日灸五壯止三七壯十日後依前數灸

〔素繆刺論〕耳聾刺手陽明不已刺其通脈出耳前者○〔王註〕耳前通脈手陽明脈正當聽會之分

〔甲乙〕發寒熱其目泣出頭不痛者聽會主之 聾耳癩洩癩洩者若風聽會主之

〔外臺〕聽會主寒熱喘喝目視不能視目泣出頭痛耳中顛癩風齒齩痛

〔大成〕聽會主耳鳴耳聾牙車白脫相離三寸牙車急不得嚼物齒痛惡寒物狂走癱瘓恍惚不樂中風口喎斜手足不隨

〔玉龍賦〕治耳聾腮腫

〔席宏賦〕耳聾鍼聽會更瀉迎香功如神 兼金門治傷寒兩耳聾



〔百證賦〕兼翳風治耳聾氣閉

耳門

〔甲乙〕在耳前起肉當耳缺者〔治療〕在耳前肉峯下缺口外刺入三分留二呼灸

三壯耳中有膿禁不可灸。〔外患〕耳中有膿及底耳聾耳皆不灸

〔甲乙〕耳聾鳴頭頷痛耳門主之 上齒齲兌端及耳門主之

〔千金〕治風耳鳴兩耳門前後各灸一百壯

〔外臺〕千金療卒中風口喎方以葦筒長五寸以一頭刺耳孔中四畔以麪密塞之勿令泄氣一頭內大豆一顆并艾燒之令然灸七壯即差患右灸左患左灸右千金不傳

〔席宏賦〕但患傷寒兩耳聾耳門聽會疾如風

〔百證賦〕兼絲竹空能住牙疼於頃刻

〔天星秘訣〕耳鳴腰痛先五會後此穴及三里

〔圖翼〕主治耳聾耳脹汁耳生瘡齒齲唇吻強

〔壽世保元〕治牙齒痛百藥不效用艾炷如麥大灸兩耳當門尖上三壯立已



和窳 一名禾膠

〔甲乙〕在耳前兌髮下橫動脈

〔金鑑〕兌髮下即鬢角也大成耳前銳髮下橫動脈中是穴〔治療〕在耳前髮銳尖下

考〕從耳門上空向面前行約三分許以手按之有動脈應手處微有陷凹

手足少陽手太陽之會

〔素氣府論王註〕手足少陽二脈之

會

刺入三分

〔銅人〕鍼七分

灸三壯

〔圖翼〕一日灸之目盲

〔素三部九候論〕上部人耳前之動脈以候耳目之氣〔王註〕在耳前陷者中動應於手手少陽脈氣之所行也以位當耳前脈抵於目外眥故以候之

〔甲乙〕頭重領痛引耳中悞悞嘈嘈和窳主之

〔大成〕主頭重痛牙車引急頸頰耳中嘈嘈鼻涕面風寒鼻準上腫癰疔招搖視瞻痰癥

口噤

瞳子翳

一名太陽 前關

〔甲乙〕在目外去眥五分

〔原始〕在眉稍頭尖下盡處〔金鑑〕在目銳眥去眥五分

手太陽手足少陽



之會。

〔外臺〕手足少陽之會

刺入三分灸三壯。

〔外臺〕瞳子筋主青盲無見遠視眩暈目中膚翳白膜

〔鬪翼〕主治頭痛目癢外眦赤痛翳膜青盲遠視眦淚出多眇 一云廉少澤能治婦人

乳腫



方書

（內容略）

輸入三三六六三三

（內容略）

手太醫

【原書】本館所藏日書全書共計六冊，現將其中一冊，即「三三六六三三」一冊，影印出版，以供醫界人士參考。此書內容豐富，記載詳實，為研究中日醫學交流之重要文獻。全書共計六冊，每冊均附有詳細之說明書，以便讀者閱讀。本館現已將此書影印出版，每冊售價若干，歡迎各界人士踴躍購買。

附錄

（內容略）

（內容略）



足少陽經穴 四十四
足厥陰經穴 十四

鍼灸經穴圖攷
六章必麟類
圖

又通商第六
又火新第六
四十四



足少陰經穴


起於絲竹空，終於竅陰，計四十四穴。

左右八十八穴

- | | | | | | |
|---------|---------|---------|----------|---------|----------|
| (1) 絲竹空 | (2) 頭維 | (3) 頷厭 | (4) 懸顛 | (5) 懸釐 | (6) 曲鬢 |
| (7) 率谷 | (8) 天衝 | (9) 浮白 | (10) 竅陰 | (11) 完骨 | (12) 顛息 |
| (13) 本神 | (14) 陽白 | (15) 臨泣 | (16) 當陽 | (17) 目窗 | (18) 正營 |
| (19) 承靈 | (20) 腦空 | (21) 風池 | (22) 淵液 | (23) 輒筋 | (24) 日月 |
| (25) 京門 | (26) 帶脈 | (27) 五樞 | (28) 維道 | (29) 居狝 | (30) 環跳 |
| (31) 風市 | (32) 中瀆 | (33) 陽關 | (34) 陽陵泉 | (35) 陽交 | (36) 外丘 |
| (37) 光明 | (38) 陽輔 | (39) 懸鍾 | (40) 丘墟 | (41) 臨泣 | (42) 地五會 |



(45) 俠谿 (44) 竅陰



鍼灸經穴圖考卷之六

長安黃維翰竹齋甫纂述

藍田趙丕燮和庭甫

同校

寧縣曹 鉅鴻德甫

足少陽經穴

〔靈經脈篇〕膽足少陽之脈起於目銳眥

銳〔甲乙〕作兌下同○膽經足少陽之脈起於目銳眥上眉後

陷中之絲竹空受手少陽三焦經之交也

上抵頭角下耳後

上抵頭角循頰下懸顛懸釐從耳上髮際入曲鬢率谷歷手少陽之角孫外折下耳後

行天衝浮白竅陰完骨又自完骨外折上行循本神前至陽白復內折上行循臨泣目窗正營承靈懸空由風池而下行也

循頸行手少陽之前

至肩上部交出手少陽之後

〔脈經〕無出字

入缺盆

自風池循頸過手少陽之大臑行少陽之前下至肩上部

鍼灸經穴圖考

卷之六

足少陽經穴

一一黃氏編



肩井復交出手少陽之後過督脈之大椎會於
手太陽之秉風而前入於足陽明缺盆之外
其支者從耳後入耳中出走耳

前至目銳眥後
其支者從耳後過頰間過手少陽之翳風入耳中過手太
陽之聽宮出走耳前復自聽會至目銳眥後瞳子膠之分
其支者

〔素五藏生成篇王
註〕作又支別者
別銳眥下大迎合於手少陽抵於頰下
〔甲乙〕脈經
註一本云別

兌督上迎手
少陽於頰
加頰車下頸合缺盆
其支者別自目外眥瞳子膠下足陽明大迎之
次由絲竹空和髻而下抵於頰下其下於足陽

明者合於下頰乃自頰車下頸循
本經之前與前之入缺盆者相合
以下胸中貫膈絡肝屬膽循脅裏出氣

街繞毛際橫入髀厭中
膈下為脇曲骨之外為毛際毛際兩旁動脈為氣街捷骨
之下為髀厭即髀樞也髀厭中即環跳穴也此言其脈之

內行者由缺盆下胸當手厥陰大池之分貫膈足厥陰期門之分絡肝本經日月之分屬膽而
相為表裏乃循脅裏由足厥陰之章門下行出足陽明之氣街繞毛際合於足厥陰以橫入髀

厭中之
環跳穴
其直者
〔素厥論王註〕
直下有行字
從缺盆下腋循胸
〔甲乙〕脈經
作循胸中
過季

脅下合髀厭中
季脅脅下小肋也其直下之脈而行於外者從缺盆下腋循胸歷淵腋
輒筋日月過季脇循京門帶脈等穴下行由居膠入足太陽之上膠中



膝下膝下行復與前
之入脾厥者相合

以下循脾陽出膝外廉下外輔骨之前

脾陽脾之外側也輔骨膝

下兩旁高骨也由脾陽行太陽陽明之中歷中瀆陽關
出膝外廉下外輔骨之前自陽陵泉以下陽交等穴也

直下抵絕骨之端下出外

踝之前循足跗上入小指次指之端

原本作小指次指之間今從「甲乙」脈經「千金」改正○外踝上骨際曰絕骨

絕骨之端陽輔穴也下行懸鐘循足面上之丘墟隨泣等
穴乃入小指次指之間至其端竅陰穴足少陽經止於此

其支者別跗上入大指

之間循大指岐骨內出其端還貫爪甲

「甲乙」脈經「千金」作還貫入爪甲 出三毛 足大指次

指本節後骨縫為岐骨大指爪甲後二節間為三毛其支者自足跗上別
行入大指循岐骨內出大指端還貫入爪甲出三毛而接乎足厥陰經也

是動則病口

苦善太息

「類經」膽病則液泄故口苦膽鬱則不舒故善太息

心脅痛不能轉側

足少陽之別貫心循脇裏故病則不能轉

側○「素熱論」少陽主膽其脈
循脅絡於耳故胸脇痛而耳聾

甚則面微有塵

「甲乙」脈經作面微塵

體無膏澤足

外反熱是為陽厥

少陽主初陽之生氣故膽氣升十一臟之氣皆升經云精明五色者氣之華也平脈篇云陽氣長則其色鮮其顏光其聲而長髮長



少陽之動氣為病則厥逆而不升故其則面有微塵體無膏澤少
陽相火主氣足下反熱者火逆於下也是為陽氣厥逆之所致也 是主骨所生病者

膽味苦苦走骨故膽主骨所生病又骨為幹其實剛膽為中正之官其
氣亦剛膽病則失其剛故病及於骨凡驚傷膽者骨必軟即其明證 頭痛頷痛〔甲乙〕

頷痛〔脈經〕作 頭角痛頷痛 目銳眦痛 缺盆中腫痛 脇下腫〔甲乙〕 馬刀俠〔甲乙〕

瘰癧汗出振寒 瘧胸〔甲乙〕 脅肋脾膝外至脛〔甲乙〕 絕骨外〔甲乙〕

蹠前及諸節皆痛 小指次指不用皆音漬嬰音影○馬刀瘰癧也俠嬰俠頸之痛屬也血脈留滯則為馬刀俠少陰

居半表半裏之間陰勝則振寒陽勝則汗出故瘧少陽主骨故 為此諸病 益則寫之

諸節皆痛以上諸證乃足少陽經脈所循之部分而為病也 虛則補之 熱則疾之 寒則留之 陷下則灸之不盛不虛以經取

之盛者人迎大一倍於寸口 虛者人迎反小於寸口也足少陽為 厥陰之表

故候在 人迎



「靈本輸篇」膽出於竅陰，竅陰者足小指次指之端也，為井金。溜於俠谿，俠谿足小指次指之間也，為榮。注於臨泣，臨泣上一寸半陷者中也，為腧。過於丘墟，丘墟外踝之前陷者中也，為原。行於陽輔，陽輔外踝之上，輔骨之前及絕骨之端也，為經。入於陽之陵泉，陽之陵泉在膝外陷者中也，為合。伸而得之，足少陽也。

「靈根結篇」少陽根於竅陰，結於窗籠，窗籠者耳中也。

一類經足少陽下者

根於竅陰上者結於窗籠耳中者乃手太陽聽宮穴也為手足少陽手太陽之會故足少陽結於此

足少陽根於竅陰，溜於丘墟。

注於陽輔，入於天容，光明也。

天容乃手太陽經穴此在頭者當為天衝在足者為光明也



〔靈衛氣篇〕足少陽之本在竅陰之間標在窗籠之前窗籠者

耳也

〔甲乙注〕千金云窗籠者耳前上下脈以手按之動者是也

〔靈經別篇〕足少陽之正繞髀入毛際合於厥陰別者入季脇

之間循胸裏屬膽散之上肝貫心以上挾咽出頤頤中散於面

繫目系合少陽於外眥也

此膽肝二經為表裏經脈相為一合也足少陽繞髀入毛際與足厥陰合其內行而別者乃自季脅入胸屬

膽散之上肝由肝之上系貫心上挾咽自頤頤中出散於面上繫目系復合少陽之本經於目外眥瞳子膠也

〔靈經脈篇〕足少陽之別名曰光明去踝五寸

〔甲乙〕作去踝上五寸

別走

厥陰下絡足跗

〔甲乙〕下絡上有並經二字

實則厥虛則痿躄坐不能起取之

所別也

躄音壁○足少陽之絡名光明在外踝上五寸別走足厥陰者也此經下絡足跗故為厥為痿躄治此者當取所別之光明也



絲竹空

一名巨邪 目膠

〔甲乙〕在眉後陷者中

〔原始〕在眉稍頭尖下盡處

足少陽脈氣所發

〔素氣府論王註〕手少

陽脈氣所發〔大成〕手足少陽脈氣所發

刺入三分留三呼

〔素註〕留六呼〔神惠〕宜瀉不宜補

不宜灸灸之不

幸令人目小及盲

〔甲乙〕症反目憎風刺絲竹空主之

眩頭痛刺絲竹空主之

小兒騰風目上插刺絲竹空主之

〔千金〕絲竹空主風癩癩疾涎沫狂煩滿

〔外臺〕絲竹空主頭痛互引目中赤眦肥

〔神農經〕治頭風宜出血

〔百證賦〕兼耳門能治牙疼於頃刻

〔通玄賦〕治偏頭痛雜忍

〔玉龍賦〕偏止頭風痛經醫絲竹金藏亦可施沿皮向後透率谷一鍼兩穴世間稀

〔圖翼〕一傳主眼赤痛鍼一分出血

〔眼科錦囊〕青盲黑障及昏花不真等諸眼疾者灸絲竹空每朝一壯積年者二三壯必用



頭維

「甲乙」在額角髮際俠本神兩傍各一寸五分

「大成」神庭旁四寸五分案神庭督脈穴在鼻

直上入髮

際五分

足少陽陽維之會

「素氣府論王註」足少陽陽明二脈之會

刺入五分

「銅人」鍼三分

禁不

可灸

「圖翼」刺三分避皮向下

「素三部九候論」上部天兩額之動脈以候頭角之氣○「王註」在額兩傍動應於手足少陽脈氣所行也

「甲乙」寒熱頭痛如破目痛如脫喘逆煩滿嘔吐流汗難言頭維主之

「大成」頭維主目瞶目風淚出偏風視物不明

「玉龍賦」兼攢竹能治目疼頭痛

「百證賦」兼臨泣可治淚出

頷厭



〔甲乙〕在曲周顛顛上廉

〔素氣府論〕耳前角上各一〔王註〕謂頷厭二穴也在曲角下顛顛之上上廉〔銅人〕在曲周下顛顛上廉〔入

門〕對耳額角外〔圖翼〕在耳前曲角顛顛上廉即腦空之上顛顛耳前動處俗所云兩太陽也一日鬢骨〔新考正〕曲角甲乙千金皆作曲周乃傳寫之誤〔圖考〕在顛骨前髮際曲角之處以口作嚼物之狀見嚼肌動於曲角處即頷厭穴也

刺入七分留七呼

〔氣府註〕刺入五分刺深令人耳無所聞

灸三壯

手少陽足陽明之會

〔外臺〕足少陽陽明之會〔素氣府論王註〕手足少陽足陽明三脈之

〔甲乙〕善噤頭痛身熱頷厭主之

目眩無所見偏頭痛引外背而急頷厭主之

〔外臺〕頷厭主耳鳴

〔百證賦〕兼懸顛治偏頭痛

懸顛

〔甲乙〕在曲周顛顛中

〔外臺〕在曲角顛顛上廉〔素氣府論王註〕在曲角上顛顛之中〔入門〕斜上額角中在懸顛間〔金鑑〕耳前曲角

上兩太陽之中〔圖考〕在頷厭穴下循髮際斜行寸許當曲角向內彎曲之處

足少陽脈氣所發

〔氣府註〕為足陽明脈氣所發

刺入



三分留七呼〔素註〕鍼七分刺深令人耳無所出〔明堂〕鍼二分灸三壯

〔靈寒熱病篇〕足陽明有挾鼻入於面者名曰懸顛屬口對入緊目本頭痛引頷取之視有過者取之損有餘益不足反者益甚

〔甲乙〕熱病頭痛引目外眥而急煩滿汗不出引頷齒面赤皮痛懸顛主之
〔百證賦〕兼頷厥治偏頭痛

懸釐

〔甲乙〕在曲周顛顛下廉〔素氣府論〕耳前角下各一〔王註〕謂懸釐二穴也在曲角上顛顛之下廉〔入門〕從頷斜上頭角下陷一金

〔甲乙〕耳前曲角上兩太陽下廉〔治療〕距懸顛下半寸〔圖考〕從懸顛穴循髮際曲角下一寸即顛顛前廉與上關穴相距約四五分手足少陽陽明之

會刺入三分留七呼灸三壯〔氣府註〕刺深令人耳無聞

〔甲乙〕熱痛偏頭痛引目外眥懸釐主之

〔千金〕懸釐主面皮赤痛 主顛疾互引善驚羊鳴主煩滿汗不出

〔外臺〕懸釐主耳鳴善噎

〔靈要〕此三穴諸書未言寸法欲求其穴則先定頭維穴與曲鬢穴而後得之即以繩當頭



維穴曲鬢穴截斷之後以其繩四折之第一折處是額厭第二折處是懸顛第三折處是懸

曲鬢 一名曲髮

「甲乙」在耳上入髮際曲隅陷者中鼓頷有空

「入門」以耳掩前尖處是穴「治療」耳上入髮

際一寸後些

足太陽少陽之會刺入三分灸三壯

「銅人」灸七壯

「甲乙」頸領擠滿痛引牙齒口噤不開急痛不能言曲鬢主之

「千金」曲鬢主暴瘡不能言

「壽世保元」頭痛連齒時發時止連年不愈謂之厥逆頭痛曲鬢二穴在耳上將耳掩前正尖上可灸五七壯左痛灸左右痛灸右

率谷 一名蚌谷

「甲乙」在耳上入髮際一寸五分

「銀海精微」將耳摺轉尖上比寸半盡處是

足太陽少

陽之會嚼而取之

「新考正」以齒嚼物則此處自能鼓動故啣牙取之「圖考」出曲鬢穴往耳後橫量一寸於此往上直量一寸若人瘦其處微有陷

鍼灸經穴圖考

卷六 足少陽經穴

七 西氏醫年 五之三



凹如嚼物之
狀其處微動

刺入四分

〔銅人〕

灸三壯

鍼三分

〔中乙〕醉酒風熱發二角一作兩目眩痛不能飲食煩滿嘔吐率谷主之

〔神農經〕治頭風兩角疼痛可灸三壯至五壯 小兒急慢驚風灸三壯柱如小麥

天衝

一名天衝 天瞿

〔甲乙〕在耳上如前三分

〔銅人〕耳後入髮際二寸〔入門〕承靈後一寸半〔金鑑〕耳後三分許入髮際二寸〔治療〕在率谷之後約三分

分〔圖考〕從率谷穴往後橫量三分於此再往上直量五分高於

率谷五分即天衝穴也〔素氣府論王註〕足太陽少陽二脈之會

刺入三分灸三壯

〔外臺〕灸九壯

〔銅人〕灸七壯

〔千金〕覆灸天衝三百壯橫三間寸灸之 天衝主頭痛癩疾互引數驚悸

百證賦〔兼大橫治反張悲哭

浮白

〔甲乙〕在耳後入髮際一寸

〔外臺〕耳後入髮際一寸下曲頰後〔西法〕在大衝直下一寸入髮際一寸〔新考止〕在翳風前髮



陰後「圖考」從耳後三焦經顛息穴後之
髮際向後橫量一寸適當完骨上際之後

足太陽少陽之胃刺入三分灸二

壯。「素氣穴註」
灸三壯

「甲乙」齒牙齲痛浮白及完骨主之

「千金」浮白主牙齒痛不能言

「外臺」浮白主足緩不收痿不能行不能言寒熱喉痺欬逆痰沫胸中滿不得喘息胸痛耳

聾嘈嘈無所聞頸項癱腫不能言及癭氣肩背不能舉

「百證賦」專治御氣

「圖翼」一傳治眼目四時疼痛頭風痛

竅陰 一名枕骨

「甲乙」在完骨上枕骨下搖動應手

「纂要」完骨謂耳後之高骨也枕骨謂
腦後之橫骨也骨空論頭橫骨為枕者

是也搖動有空「西法」在完骨與

浮白之正中「治療」浮白下一寸

足太陽少陽之胃刺入四分灸五壯

「素氣」

穴論王註刺入

三分灸三壯



「甲乙」頭痛引頸竅陰主之 癰疽竅陰主之 厲風者素刺其腫上已刺以吮其處按出其惡血腫盡乃止常食方食無食他食 脈風成爲厲管疝發厲竅陰主之

「千金」竅陰主頭痛如錐刺不可以動 主鼻管疝發爲癰鼻 主癰疽頭痛如錐刺不可以動動則煩心

「外臺」千金灸燻法灸耳後髮際有一陰骨骨間有一小穴亦有動脈灸隨升壯大效

「大成」竅陰主四肢轉筋目痛項項痛引耳嘈嘈耳鳴無所聞舌本出血骨勞癰疝發厲手足煩熱汗不出舌強脇痛欬逆喉辨口中惡苦之

完骨

「甲乙」在耳後入髮際四分

「治療」竅陰下七分「圖考」在顛額後應以手循之有陷凹處

足太陽少

陽之會刺入二分留七呼灸七壯

「素氣穴論王註」刺入三分留七呼灸三壯

「甲乙」瘡癤取完骨 小便黃赤完骨主之 風頭耳後痛煩心及足不收失腹口喎僻顛項搖痠牙車急完骨主之 牙齒齲痛完骨主之 項腫不可俛仰頰腫引耳完骨主之

「千金」完骨主頭面氣附屬 主癰疾僵仆狂癡



顛息 息當作息

〔甲乙〕在耳後間青絡脈〔千金〕外臺作耳後青脈間〔圖考〕從瘰脈穴順耳根上行約四五分有靜脈一支通於耳即顛息穴也

足少陽脈氣所發〔圖翼〕大成 刺入一分出血多則殺人〔銅人〕灸

三壯〔銅人〕灸七壯

〔甲乙〕身熱痛〔外臺〕作身熱頭重 胸脅痛不可反側顛息主之

〔千金〕灸瘰癧方灸耳後髮際直脈七壯 顛息主小兒癩喘不得息

〔外臺〕顛息主耳鳴

〔百證賦〕瘰癧非顛息不愈

〔圖翼〕主治耳鳴喘息小兒嘔吐痰癰驚恐發潮身熱頭痛不得臥聾耳腫流膿汁

本神

〔甲乙〕在曲差兩旁各一寸五分〔原始〕神庭 在髮際〔外臺〕髮際上

〔原始〕神庭 在髮際〔外臺〕髮際上 目直耳上入髮

足少陽經穴 九 黃氏醫學雜誌之二



際四 足少陽陽維之會刺入三分灸三壯 〔外臺〕灸五壯
〔銅人〕灸七壯

〔甲乙〕頭痛目眩頸項強急胸脅相引不得傾側本神主之 癩疾不嘔沫本神主之 小兒驚癇本神主之

〔千金〕治諸風灸本神二處各七壯穴在耳正直上入髮際二分許又作四分
〔百證賦〕兼身柱治癩疾效

陽白

〔甲乙〕在眉上一寸直瞳子足少陽陽維之會

〔原註〕氣府註云足陽明陰維二脈之會今詳

陽明之經不到於此又陰維不與陽明命疑素問註非是 刺入三分灸三壯

〔甲乙〕頭目腫子痛不可以視挾項強急不可以顧陽白主之

〔千金〕陽白主目腫痛癢遠視眩暈昏夜無所見

〔圖翼〕主治頭痛目昏多眵背寒慄重衣不得溫

臨泣



〔甲乙〕當目上皆直

〔素氣府論王〕註在直目上

入髮際五分陷者中

〔醫統〕令患人正睛取之

〔暴嬰〕在本神與曲差之中間
神庭傍二寸二分五厘爲是

足太陽少陽陽維之會

〔外臺〕足少陽太陽之會

刺入三

分留七呼灸五壯

〔外臺〕灸三壯〔圖翼〕一日禁灸

〔甲乙〕頰清〔外臺〕作頰青不得視口沫泣出兩目眉頭痛臨泣主之

小兒驚癇反視臨泣

〔千金〕瘧日西而發者臨泣主之穴在目眥上入髮際五分陷者灸七壯

〔大成〕臨泣主目眩目生白翳目淚枕骨合顛痛惡寒鼻塞驚癇反視大風目外皆痛卒中

風不識人

〔百證賦〕兼頭維可治目中淚出

當陽

〔靈經脈篇馬註〕髮上一寸

即臨泣後五分

〔千金〕眼急痛不可遠視灸瞳子上入髮際一寸隨年壯穴名當陽



目窗 一名主榮

〔甲乙〕在臨泣後一寸

〔分寸歌〕髮上寸半〔神應〕在臨泣後寸半〔圖考〕一云在臨泣後半寸

足少陽陽維

之會刺入三分

〔大成〕三度刺令人目大明

灸五壯

〔外臺〕灸三壯

〔甲乙〕頭痛目窗主之 青盲無所見〔千金〕作目窗遠視眇眇目中淫府白睛覆睛子目窗主之 上齒齲腫目窗主之

〔大成〕目窗主目赤痛忽頭旋目眇眇遠視不明頭面浮腫頭痛寒熱汗不出惡寒

正營

〔甲乙〕在目窗後一寸

〔分寸歌〕髮上一寸半〔大成〕目窗後寸半〔圖考〕一云半寸

足少陽陽維之

會刺入三分灸五壯

〔甲乙〕上齒齲痛惡風寒正營主之
〔外臺〕正營主牙齒痛昏吻急強



〔大成〕主目眩頭項偏痛

承靈

〔甲乙〕在正管後一寸五分

〔分寸歌〕髮上四寸〔西法〕去督脈約五分

足少陽陽維之會

刺入三分灸五壯

〔大成〕灸三壯禁鍼

〔甲乙〕腦風頭痛惡見風寒黧衄鼻窒喘息不通承靈主之

腦空

一名顛顛音熱備

〔甲乙〕在承靈後一寸五分

〔分寸歌〕髮上五寸半

俠玉枕骨下陷者中

〔素氣府論〕

王註〔俠枕骨後枕骨上〕入門〔搖耳有空

足少陽陽維之會刺入四分灸五壯

〔銅人〕鍼五分得氣即瀉灸三壯

〔甲乙〕頭痛身熱引兩額急一作痛腦空主之大瘦腦空主之

鼻管疽發為厲鼻腦空主之 腦風目眩頭痛風眩目痛腦空主之 癩疾



「扁鵲心書」腦空二穴在耳尖角上排三指盡處治偏頭痛眼欲失明灸此穴七壯自愈
若風入太陽則偏頭風或左或右痛連兩目及齒灸腦空穴二十一壯其穴在腦後入髮際
三寸五分

「銅人」甄公苦患頭風發即心悶亂目眩華陀鍼腦空立愈

風池

「甲乙」在顛顛後髮際陷者中

「素氣府論王註」在耳後陷者中按之引於耳
中手足少陽脈之會「鬲翼」在耳後顛顛後腦

空下髮際陷中按之引於耳中一云在耳後之髮際大筋外廉「鬲翼」天福
與天柱之中間是穴「明堂」與風府正相當即是側相去各二寸為定穴

足少陽陽

維之會

「新考正」手足少
陽陽維陽蹻之會

刺人三分留二呼灸三壯

「素氣府註」刺入
四分「銅人」鍼七

分留七呼
灸七壯

「傷寒論」太陽病初服桂枝湯反煩不解者先刺風池風府却與桂枝湯則愈

「甲乙」頭痛項不得顧目泣出多瞋鼻衄衄目內背赤痛氣厥耳日不明咽喉引項筋掣
不收風池主之

「千金」諸癩灸風池百壯挾項兩邊



〔外臺〕風池主寒熱癩疾僵仆溫熱病汗不出頭眩痛瘡瘡

〔太乙歌〕兼環跳間使治瘧疾 兼風府取之治傷寒

〔玉龍賦〕兼絕骨可療僂僕

〔玉龍歌〕偏正頭風有痰飲者刺風池一寸半透風府穴此必橫刺方透也宜先補後瀉灸

十一壯

〔席宏賦〕尋到風府風池治傷寒百病

〔通玄賦〕頭暈目眩覺風池

〔捷徑〕治溫病煩滿汗不出

〔圖翼〕一傳治中風不語牙關緊閉湯水不能入口

淵液 一名泉液

〔甲乙〕在腋下三寸宛宛中舉臂取之

〔素氣穴論王註〕足少陽脈氣所發〔西法〕是處為第三肋間中包

肺腋〔圖考〕由腋窩下量三寸居身側肋間軟肉處

刺入三分不可灸灸之不幸生腫蝕馬刀傷

內潰者死

〔外臺〕生腫馬刀傷內潰者死

寒熱生馬瘍可治

〔素刺禁論〕刺腋下脇間內陷令人欬



〔甲乙〕胸滿馬刀臂不得舉淵腋主之 馬刀腫痠淵接章門支溝主之

輒筋

〔甲乙〕在腋下三寸復前行一寸著脇

〔素氣府論王註〕作捷脇○入門淵液前一寸大成腋下一寸

寸復前一寸三肋端橫直蔽骨旁七寸五分平直兩乳側臥屈上足取之〔西法〕適當第三肋間中包肺臟

足少陽脈氣所發

〔大成〕膈之募足太

陽少衛之會

刺入六分灸三壯

〔甲乙〕胸中暴滿不得眠一云不得喘息〔外臺〕作不得臥喘息輒筋主之

〔千金〕療吐且下痢者法灸兩乳邊連黑外近腋白肉際各七壯可至二十七壯

日月 一名神光 膈募

〔甲乙〕膈募也

〔脈經〕膈募在日月穴

在期門下一寸五分

〔千金〕〔外臺〕〔銅人〕大成在期門下五分

〔素氣府論王註〕在第三肋端橫直心蔽骨傍各二寸五分上直兩乳〔西法〕當附著第八肋骨下部之一寸許內有胃分布上腹動脈〔圖考〕從乳頭往下直主肋骨盡處適當第八肋下



際與腹肉相接處即肝經
期門穴再下五分即日月

足太陰少陽之會刺入七分灸五壯

「甲乙」太息善惡少腹有熱欲走日月主之

「千金」吐嘔宿汁吞酸灸神光百壯三報註一名膽募

「外臺」日月主多睡言語不正四肢不收

京門

一名氣府 氣俞

「甲乙」腎募也

「脈經」一腎募在京門

在監骨下腰中挾脊季肋下一寸八分

「千金」外臺在監骨腰中季肋本挾脊「圖翼」在臍上五分旁九寸半季肋本挾脊側臥屈上足伸下足舉臂取之「西法」在肋骨之端去季肋上一寸八分即臍上五分旁之九寸也內藏大腸「新考正」脊骨第十五椎旁即尾氈骨以上之第六節「圖考」在第十一季肋下際與第十二季肋之端即京門穴也因十二肋短於十一肋故在十一肋下十二肋端 刺入

三分留七呼灸三壯

「圖翼」一云刺八分

「甲乙」痿脊強反折京門主之 寒熱腹脹腹快然不得息京門主之 腰痛不可以久立俛仰京門及行間主之 溢飲水道不通溺黃小腹痛裏急腫洞泄體痛引骨京門主之



大成「京門主腸鳴小腸痛肩背寒痺肩胛內廉痛脾樞引痛

帶脈

「甲乙」在季脇下一寸八分

「分寸歌」京門下寸八「圖翼」一云在脇旁八寸半肥人九寸瘦人八寸如帶繞身管束諸經「神

應」膈上一分兩旁各七寸半「西法」大腸部「新考止」在季肋下膈上一分又兩旁開各六寸「治療」京門下一寸八分去膈旁八寸半「素氣府論王註」足少陽帶脈二經之會

刺

入六分灸五壯

「靈癩狂病篇」脈癩疾者暴仆四肢之脈皆脹而縱脈滿盡刺之出血不滿灸之按項太陽灸帶脈於腰相去三寸諸分肉本輸喘多沃沫氣下泄不治

「素痿論」陰陽總宗筋之會會於氣街而陽明為之長皆屬於帶脈而絡於督脈故陽明虛則宗筋縱帶脈不引故足痿不用也

「甲乙」婦人少腹堅痛月水不通帶脈主之「千金」作刺帶脈人六分灸五壯在季肋端一寸八分

「大成」帶脈主腰腹縱溶溶如糞水之狀婦人小腹痛裏急後重癭瘕月事不調赤白帶下

「玉龍賦」合關元多灸堪攻腎敗

「資生經」一婦人患赤白帶下有人為灸氣海未效次日為灸帶脈穴有鬼附耳云昨日灸



亦好只灸我不著今灸著我我去矣可為酒食祭我其家如其言祭之遂愈

五樞

〔甲乙〕在帶脈下三寸

〔分寸歌〕季脇下四寸八分

一曰在水道傍一寸五分

〔千金〕

〔外臺〕一云在水道下一寸半〔入門〕水道外一寸半〔圖考〕在帶脈三寸適富身側跨骨上際〔西法〕大腸部素氣府論王註足少陽帶脈二經之會

刺入一寸

灸五壯

〔甲乙〕男子陰疝兩丸上下小腹痛五樞主之

婦人下赤白裏急痠縱五樞主之〔千金〕刺

五樞入一寸灸五壯

〔玉龍賦〕乘背縫治肩脊痛

雜道

一名外樞

〔甲乙〕在章門下五寸三分

章門足厥陰穴在直臍季肋端〔圖翼〕一云在中極旁八寸五分〔西法〕五樞之前下部是為大



腸部「新考正」在五樞穴下五分
「圖考」適當髀骨稍前之上際

足少陽帶脈之會。刺入八分灸三壯。

「素氣府論」

王註「留」

六呼

「甲乙」欬逆不止三焦有水氣不能食維道主之

「千金」維道主嘔逆不止

居窠

「甲乙」在章門下八寸三分監骨上

「素氣府論王註」章門下四寸三分髀骨上「新考正」監骨即腰髌骨亦論之

髀骨骸音枯駕切「治療」維道下三寸後開五分橫直環跳三寸稍高些「圖考」適當髀骨中部之間以手按之微有陷凹

陷者中

「原始」環跳上一寸外陷中「金鑑」

維道下行三寸

陽蹻足少陽之會刺入八分灸三壯

「氣府註」留六呼

「外臺」居扉主腰痛引少腹在腋前兩筋間主肩前痛與胸相引背裏掣急手不得上舉至

穴 案外臺居扉穴後有後腋轉殺飲鼻應哭脇堂旁庭「千金」在帝廷穴始素七穴今附谷木經外



「玉龍賦」兼環跳委中治腿風溼痛

環跳

「甲乙」在髀樞中側臥伸下足屈上足取之

「素氣穴論」兩髀脈分中二穴「王註」謂環跳穴也

在髀樞後「神應經」在髀樞中即視子骨下宛宛中也「診則」在髀樞中骨解內側臥伸下足屈上足大骨尖後一寸取之「神照集」以左手按穴右手搖搖取之「太乙神鍼」環跳穴在髀樞中側臥屈上足伸下足取之足後跟到處即是大腿曰股股上曰髀健骨之下大腿之上兩骨合縫之處曰髀樞當環跳穴是也「西法」通京門之下並兩足而立腰部有陷凹處是

足少陽脈氣所發

「氣穴註」足少陽太陽二脈之會

刺入一寸

「神應經」

留二十呼

「指微」

已刺不可搖恐傷

鍼「銅人」留十呼

灸五十壯

「氣穴註」灸三壯

「素繆刺論」邪客於足少陽之絡令人留於樞中痛不可舉刺樞中以毫鍼寒則久留鍼以月死生為數立已」王註「髀樞之後謂環跳穴也足少陽脈氣所發刺入一寸留二十呼灸三壯

「甲乙」腰脇相引痛急筋痠脛痛不可屈伸痺不仁環跳主之

藏經圖考 卷之六 足少陽經穴 十五 黃氏醫學 頁之一



「千金」仁壽宮患胸氣偏風甄權奉勅鍼環跳陽陵泉上庭下廉陽輔凡鍼四穴即能起行

「太乙歌」兼風池間使能除冷風膝痹并瘧疾

「玉龍賦」兼居髀委中治腿風溼痛

「天星秘訣」兼陽陵治冷風溼痹

「百毒賦」兼後谿刺腿痛

「靈幽賦」中風宜刺此 華陀兼絕骨刺躄足而立行

「席宏賦」兼腰俞用燻鍼治冷風冷痺

「千金十一穴」兼陽陵治膝間并收脇病

「馬丹騎天星十一穴」環跳在脾樞側臥屈足取能鍼偏廢軀折腰莫能顧冷風并溼痺身

體似繩拘腿膀 脇痛屈轉重欬吁若人能鍼灸頃刻病消除

「大成」干冷風溼痺不仁風寒偏身半身不遂腰膝痛塞膝不得轉側伸縮 環跳穴痛恐

生附骨疽

「楊氏醫案」庚辰夏工部郎許鴻宇公患兩腿脚日夜痛不止臥牀月餘命予治之公曰兩

及足無處不痛豈一二鍼所能愈予曰治病必求其本得其本穴會歸之處痛可立止痛止

即步履旬日之內必能進部為鍼環跳絕骨隨鍼而愈不過旬日果進部 辛酉夏中貴患

癱瘓不能動履久治未愈予視曰此疾一鍼可愈遂鍼環跳穴果即能履

風市



「圖翼」在膝上七寸

「診則」在膝上五寸

外側兩筋間取法令正身平立直

垂兩手著腿當中指頭盡處陷中是穴

「肘後」在兩臂外可平倚垂手直掩臂上當中指頭大筋上捻之自

也覺好 鍼五分灸二五壯

「千金」灸腳氣法凡灸八處第一風市穴可令病人起正身平立垂兩臂直下舒十指掩著兩臂使點當手中央指頭脾大筋上是穴灸之百壯多亦任人輕者不可減百壯重者乃至一處五六百壯勿令頓灸三報之佳 風市主兩膝掣痛引脇拘急解蹇或青或枯或煎如腐木 主緩縱委痺腦腸疼冷不仁

「外臺」灸腳氣風市二穴平立垂手當中指頭脾兩筋間是也黃帝三部鍼灸經無風市二穴此處恐是環跳風市疑其別名 蘇恭云若脚氣盛發時自腰以上並不得灸當引風氣

上則救人氣歇以後有餘病者灸無妨唯冬月得灸春夏不可灸風市以下固宜住耳

「醫說」蔡元長知開封正據案治事忽覺如有蟲自足心行至腰間即墜筆彙絕久之方甦據屬云此病非命山人不能療趣使呼之命曰是真脚氣也法當灸風市為灸一壯蔡晏然復常明日疾如初再呼命曰欲除病根非干艾不可從其言灸五百壯自此遂愈仲兄文安公守姑蘇以鑾輿巡幸虛府舍暫徙吳縣縣治卑溼旋感足癢痛擊不堪忍服藥弗效乃用所聞灼風市肩隅曲池三穴終身不復作僧曹濟苦此二十年每發率兩月用此灸二十一



壯即時痛止其他藥此力者不一而足出夷堅志

「玉龍賦」兼陰市能驅腿脚之乏力

「神農經」治偏風半身不遂脚疼痛灸二十一壯

「圖翼」治腰腿痠痛足脛麻痺脚氣起坐艱難先寫後補風痛先補後寫此風痺冷痛之要

穴

「景岳全書」風市穴治疝氣外腎腫小腸氣痛腹內虛鳴此風痺疼痛之要穴

「學古診則」風市灸之主眼紅腫頭痛

中瀆 一名中積

「甲乙」在髀骨外膝上五寸分肉間陷者中

「西法」屈膝口橫紋之外角頭以環跳為的約五寸

處便是「圖考」在陽陵泉穴上五寸風

市穴下一寸半適當股外側兩筋間

足少陽脈氣所發也

「大成」足少陽絡別走厥陰

刺

入五分留七呼灸五壯

「甲乙」寒氣在分肉間痛上下痺不仁中瀆主之○「外臺」作痛攻上下筋痺不仁



陽關 一名關陵

〔甲乙〕在陽陵泉上三寸犢鼻外陷者中

〔大全〕入門陽陵泉上二寸
〔纂要〕案此穴屈膝於橫文之

尖點墨而後伸足其點是穴用此法則大率當陽
陵泉上二寸〔治療〕即膝蓋之旁兩筋之間盡處

刺入五分禁不可灸

〔素刺腰痛篇〕少陽令人腰痛如以鍼刺其皮中循循然不可以俛仰不可以顧刺少陽成
骨之端出血成骨在膝外廉之骨獨起者夏無見血

〔中乙〕膝外廉痛不可屈伸脛痺不仁陽關主之
〔千金〕陽關主嘔吐不止多涎 主筋變膝不得屈伸不可以行

陽陵泉

〔甲乙〕陽陵泉土也在膝下一寸筋外廉陷者中

〔原始〕在膝品骨
下一寸外廉輔骨陷

中〔圖翼〕在膝下一寸外廉陷中尖骨前筋骨出蹲坐取之〔纂要〕與足太陰經陰陵泉相對
伸足取之〔圖考〕將膝彎曲其上有大筋一條穴在大筋之上去膝蓋側之旁約二寸五分當
腓骨上端隆起之上即陽陵泉穴也甲乙云
膝下一寸者非由膝蓋下量係向膝旁量 足少陽脈之所入也為合刺入六



分留十呼灸三壯

「銅人」日可灸七壯至七七壯

「靈九鍼十二原篇」如人不欲行疾高而外者取之陽之陵泉也

「邪氣藏府病形篇」膽合入於陽陵泉膽病者善太息口苦嘔宿汁心下澹澹怒人將捕之

噫中吟吟然數睡在足少陽之本末亦視其脈之陷下者灸之其寒熱者取陽陵泉

「難經」筋會陽陵泉○疏曰筋病治此滑伯仁曰足少陽之筋結於膝外廉陽陵泉又膽與

肝為配肝者筋之合故為筋會

「甲乙」膽脹者脇下痛脹口苦好太息陽陵泉主之 脇下痞滿嘔吐逆陽陵泉主之 脾

痹引膝股外廉痛不仁筋急陽陵泉主之

「千金」治諸風灸陽陵泉二處各七壯穴在膝下外尖骨前陷者中是 陽陵泉主失禁遺

尿不自知 主頭面腫

「外臺」千金翼治遺尿法灸陽陵泉穴隨年壯

「神農經」治足膝冷痺不仁屈伸不得半身不遂脇肋疼痛可灸十四壯至二十一壯

「玉龍賦」兼陰陵驪膝腫之難消

「席宏賦」專治膝間疼痛宜用鍼燒 脚痛膝腫鍼三里又須絕骨二陵三陰交更兼入衝

以行氣

「百證賦」遠達曲池治半身不遂

「通玄賦」治脇下肋邊疾



〔天星秘訣〕兼環跳治冷風溼痺 兼肩井三里治脚氣痠痛

〔千金十一穴〕環跳與陽陵治膝前兼腋脇病

〔馬丹陽天星十二穴〕陽關居膝下外廉一寸中膝腫并麻木冷痹及偏風起坐腰背電面

腫滿胸中舉足不能起坐臥似衰翁刺入六分止神功妙不同

〔醫義〕主治偏風半身不遂足膝冷痹不仁無血色脚氣筋攣 筋軟筋縮筋疼寒熱頭疼

口舌咽喉中及頭面腫胸脇脹滿心中怵惕此為筋會故治筋病

陽交

一名別陽 足筋

〔甲乙〕陽維之郛在外踝上七寸斜。

〔治療〕沿太陽經一面崑崙之頂上
〔圖考〕從足外踝循腓骨前廉上量七

寸以手切之

富腓骨前際屬三陽分肉間

〔纂要〕三陽異本作二陽足陽明胃經足太陽膀胱經也
胃經行前膀胱經行後此膽經行前後兩經分肉之間

刺入六分留七呼灸三壯。

〔甲乙〕寒熱痺頸〔外兼〕作神經不收陽交主之 寒熱癩疾喉吟瘰癧驚狂附交主之痞不能

言陽交主之

〔千金〕陽交主喉痺胸滿寒熱 主胸滿腫



外丘

〔甲乙〕足少陽却少陽所生在外踝上七寸

〔明堂〕分寸歌「踝上六寸」神照集「與陽交平差

後一寸「西法」在陽交後隔一筋「圖考」從外踝循腓骨後廉上量七寸以手切之在腓骨後際與陽交穴平橫相立只隔腓骨一條

刺入二分灸三壯

〔甲乙〕胸脇積滿頭項內寒熱外丘主之 膚痛痿痺外丘主之
〔外臺〕外丘主癩疾喘沫

光明

〔甲乙〕足少陽絡在足外踝上五寸

〔圖考〕當腓骨前際

別走厥陰者刺入

六分留七呼灸三壯

〔原註〕骨空論註云刺入七分留十呼銅人灸五壯

〔靈經脈篇〕足少陽之別名曰光明去踝五寸〔甲乙〕去踝上五寸別走厥陰下絡足跗實則厥虛則痿躄坐不能起取之所別也

〔素骨空論〕淫深脛痠不能久立治少陽之維在外踝上五寸○〔王註〕淫深謂似酸痛而無力也中誥圖經外踝上五寸是光明穴也足少陽之絡刺入七分留十呼灸五壯



「甲乙」虛則痿躄坐不能起實則厥脛熱時痛身體不仁手足偏小善習頰光明土之
「千金」光明主腹足清寒熱汗不出

「席宏賦」睛明治眼未效時合谷光明不可缺
「標幽賦」兼地五會治眼癢痛

「大成」刺犬傷毒不出發寒熱速以三姓人可灸所嚙處及足少陽絡主癩疾小兒龜胸

陽輔 一名分肉

「甲乙」陽輔者火也在足外踝上四寸

「千金」「素氣穴論」
王註「無四寸二字」

輔骨前

絕骨端如前三分去丘墟七寸

「外臺」脚氣門絕骨二穴在足外踝上骨絕
頭陷中○「素刺腰痛論王註」如後二分去

丘墟七寸筋肉分間「金
鑑」光明下行一寸

足少陽脈之所行也為經刺人五分留七呼灸

三壯。

「素刺瘡篇」所痠痛甚按之不可名曰附髓病以鑊鍼鍼絕骨出血立已○「王註」陽輔穴
也取如氣穴論中府俞法



「氣穴論」分肉二穴○「王註」在足外踝上絕骨之端三分筋肉分間陽維脈氣所發刺入三分留七呼灸三壯「新校正」案甲乙經無分肉穴詳處所疑是陽輔

「甲乙」寒熱瘕瘕四肢不舉腋下腫馬刀瘦喉痹脾膝頸骨搖酸痹不仁陽輔主之 腰痛如小錘居其中怫然腫痛不可以效效則筋縮諸節痛上下無常寒熱陽輔主之

「千金」治諸風灸陽輔二處各七壯穴在外踝上絕骨端陷者中是

「外臺」蘇恭云凡脚氣病從陽發起兩小指外側向上循脛外絕骨至風市頑痺不仁或腫起於此者須灸陽輔絕骨陽陵泉風市等諸穴 灸氣穴陽輔二穴在絕骨前半寸少下是也徐云明堂無絕骨名有陽輔二穴在膝蓋下外側三寸傍廉骨當小指兩筋間是也

黃帝三部鍼灸經丙卷陽輔二穴在足外踝上四寸輔骨前絕骨端前二分與此不同

「神農經」治膝胛瘦疼偏風不隨可灸十四壯

懸鍾 一名絕骨

「甲乙」在足外踝上三寸動者脈中

「別後」絕骨在外踝上三寸餘指端取 跗骨上際屈指頭四寸便是與下廉頗

相對分間二穴也「鬲翼」在足外踝上三寸當骨尖前脈中尋按取之鍼灸經曰尋摸尖骨者乃是絕骨兩分開「金鑑」陽輔下行三寸「診則」對三陰交也

足三陽

絡按之陽明脈絕乃取之刺入六分留七呼灸九壯

指微一針入鍼二寸許灸七壯



「難經」髓會絕骨。疏曰髓病治此類經圖翼曰懸鐘一名絕骨在足外踝上三寸滑伯仁曰絕骨一名跗輔在足外踝上四寸諸髓皆屬於骨故為髓會袁古益曰人能健步以髓會於絕骨也

「甲乙」股滿胃中有熱不嗜食懸鐘主之。痿厥身體不仁手足偏小先取京骨後取中封絕骨皆寫之。小兒股滿不能食飲懸鐘主之。

「千金」灸胸氣第八絕骨穴在脚外踝上一夫一云四寸是如覺脚惡便灸三里及絕骨各一處兩脚惡者合四處灸之多少隨病輕重大要雖輕不可減百壯一說灸絕骨最要。絕骨在外踝上三寸灸百壯治風身重心煩足脛疼。逆氣虛勞寒損憂悲筋骨掣痛心中欬

逆泄注腹滿喉痺頸項強腸痔痔血陰急鼻衄骨痛大小便澀鼻中乾煩滿狂走易氣凡二十病皆灸絕骨五十壯穴在外踝上三寸宛宛中。懸鐘主腹滿。主五淋。主溼痺流腫

脾筋急癢脛痛。絕骨主病熱欲嘔。主風勞身重。主脾樞痛膝脛骨搖癢癢不仁筋縮諸節發折。主瘰馬刀接羶。

「衛生寶鑑」髓會絕骨鍼經云腦髓消脛酸耳鳴絕骨在外踝上輔骨下當脛中是也髓會之處也漢古老人云頭熱如火足冷如冰可灸陽輔穴又云脛酸冷絕骨取之。

「此事雜知」百節痠疼實無所知三稜刺絕骨出血。
「玉龍賦」兼三里陰交治運延脚氣。兼風池療僂僕。

「席宏賦」脚氣膝腫鍼三里又須此穴兼二陵三陰交及太衝行氣。
「標幽賦」兼環跳命門刺足而立行。



「天星秘訣」兼鋒口衝陽治足緩難行
「通玄指要賦」越人治屍厥於維會隨手而甦〔註〕維會二穴在足外踝上三寸內應足少陽膽經

丘墟

〔甲乙〕在足外廉踝下如前陷者中去臨泣一寸

〔分寸歌〕去俠谿四寸五〔診則〕對

商丘〔大成〕骨縫中又俠谿穴中量上外踝骨前五寸千金〔外臺〕銅人〔大成〕去臨泣三寸考止〔甲乙〕云去臨泣一寸一字當是三字之誤

足少陽脈之

所過也爲原

〔難經〕膽之原出於丘墟

刺人五分留七呼灸三壯

〔中乙〕目視不明振寒目翳瞳子不見腰兩脇抽脚痠轉筋丘墟主之 癱瘓寒掖下腫丘墟主之 寒熱頸腫丘墟主之 大疝腹堅丘墟主之 胸滿善太息胸中膨膨然〔千金〕作

胸脅丘墟主之 痿厥寒足腕不收蹙坐不能起脾樞脚痛丘墟主之

〔千金〕丘墟主胸痛如刺 主脚急腫痛戰掉不能久立附筋脚掣 主瘧振寒

〔總病論〕熱病先胸脇痛手足躁刺足少陽補足太陽〔註〕是足少陽木受邪當傳剋脾土故宜瀉足少陽之丘墟而補足太陰之太白



〔保命集〕兩脇痛鍼少陽經丘墟

〔神農經〕治肋下疼不得息小股腎插腕疼可灸七壯

〔玉龍賦〕兼商丘解谿堪追脚痛

〔靈光賦〕脾樞疼痛寫丘墟

〔百證賦〕兼金門能醫釋筋

臨泣

〔甲乙〕臨泣者木也在足小指次指本節後間陷者中去俠谿

一寸五分 〔神照集〕在足小指次指本節外側後筋骨縫陷者 足少陽脈之

所注也為俞刺入一二分 〔素氣穴論王註〕刺入三分留五呼 灸三壯

〔甲乙〕厥四逆時氣滿風身汗出而清體中痛不可得行足外皮痛臨泣主之 瘧日西

發臨泣主之 胸中滿膨下腫馬刀瘦善自警舌頰天膈中腫淫深脛痠頭眩枕骨節腫

自澀身癢洒浙振寒季脇支滿寒熱脇腰腹膝外廉痛臨泣主之 胸痺心痛不得息痛無

常處臨泣主之 大風目外皆痛身熱痺缺盆中痛臨泣主之 月水不利見血而有身則

鍼灸經穴圖考 卷之六 足少陽經穴 二十一 黃氏醫學堂 之二



敗及乳腫臨泣主之

「脈經」左手關上陽實者膽實也苦腹中實不安身軀習習也刺足少陽經治陽在足上第

二指本節後一寸（註）第二指當云小指次指即臨泣穴也 左手關上陰絕者無肝脈

也苦癢遺溺難言脅下有邪氣善吐刺足少陽經治陽

「千金」頸漏腋下馬刀灸百壯

「玉龍賦」兼內庭能理小腹之脹

「捷法」治足跗腫痛不消手足麻痺不知痛癢手足顫掉不能握物行動手足指拘攣疼痛

足心足踝足跗膝胎發熱或為紅腫兩手發熱臂膊痛連肩背腰脊腿膝疼痛白虎歷節走

注遊風疼痛浮風渾身搔癢頭項紅腫強痛腎虛挫閃腰痛舉動艱難諸虛百損淫滯四支

行動無力脇下肝積氣塊刺痛 已上諸證先以臨泣為主後隨證分穴治之

「圖翼」木有餘者宜寫此或兼陽輔更火虛而木自平

地五會

「甲乙」在足小指次指本節後間陷者中

「入門」俠谿上一寸，金鑑臨泣下行五分「圖考」當第四第

五躡竹

刺入三分

「銅人」鍼二分
「圖翼」刺一分

不可灸灸之令人瘦不出三年死



「甲乙」內傷唾血不足外無膏澤刺第五會○「千金」刺入三分特忌灸

「外臺」地五會主乳腫

「席宏賦」兼三里治耳蟬鳴腰欲折

「標幽賦」兼光明治眼癢眼疼

「天星秘訣」耳內蟬鳴先五會次鍼耳門三里內

俠谿

「甲乙」俠谿者水也在足小指次指二岐骨間本節前陷者中

「金鑑」地五會下行一寸西注「本節之前屈趾見之當第四趾之第一趾骨後面

「新考正」在第四指後外間之岐骨中不當言本節前故馬氏止謂在兩岐骨間

脈之所溜也為榮刺入三分留三呼灸三壯

「素刺瘡論」足少陽之瘡令人身體解體寒不甚熱不甚惡見人見人心惕惕然熱多汗出甚刺足少陽○「王註」俠谿主之

「甲乙」膝外廉痛熱病汗不出目外皆赤痛頭眩兩頰痛寒逆泣出耳鳴聲多汗目癢胸中痛不可反側痛無常處俠谿主之 胸脇痞滿寒如風吹狀俠谿主之 狂疾俠谿主之

足少陽經穴 二十一 一 陽 經 五 之 二



「千金」俠絡主乳癰腫潰 主小腹腫痛月水不通

「百證賦」兼陽谷治頷腫口噤

竅陰

「甲乙」瞻出於竅陰、竅陰者金也在足小指次指之端

「入門」是第四指端

外 去爪甲

「素氣穴論王註」去爪甲角

如非葉足少陽脈之所出也為井刺入三

分留三呼

「素註」刺入一分留一呼

灸三壯

「素繆刺論」邪客於足少陽之絡令人脇痛不得息欬而汗出刺足小指次指爪甲上與肉交者各一疔不得息立已汗出立止欬者溫衣飲食一日已左刺右右刺左病立已不已復刺如法○「王註」謂竅陰穴少陽之井也

「甲乙」手足清煩一作脈熱汗不出四肢轉筋頭痛如錐刺之循熱不可以動動益煩心喉痺舌卷乾臂內廉不可及頭耳聾鳴竅陰皆主之

「千金」竅陰主脇痛欬逆 主四肢轉筋



足厥陰經穴

起於大敦。終於期門。計十四穴。

左右二十八穴

(1) 大敦

(2) 行間

(3) 太衝

(4) 中封

(5) 蠡溝

(6) 中都

(7) 膝關

(8) 曲泉

(9) 陰包

(10) 五里


(11) 陰廉

(12) 急脈

(13) 章門

(14) 期門





足陽明經穴



足厥陰經穴

〔靈經脈篇〕肝足厥陰之脈起於大指叢毛之際叢毛在足大指爪甲之橫紋後蓋橫紋之

前為三毛橫紋之後為叢毛足厥陰經起於足大指叢毛際之大敦穴受足少陽經支脈之交也上循足跗上廉去內踝一寸足

上廉行間太衝也內踝前一寸中封也上踝八寸〔甲乙〕作外踝八寸交出太陰之後上膈內廉上踝過足太陰之三

陰交歷蠡滯中都復上一寸交出太陰之後上膈內廉至膝關曲泉也循股陰入毛中〔脈經〕作循股入陰毛中過陰器〔甲乙〕〔脈經〕千金

作環陰器○股陰內側也循股內之陰包五里陰廉上會於足太陰之衝門府舍入陰毛中之急脈遂左右相交環遠陰器而會於任脈之曲骨抵小腹挾胃屬

肝絡膽〔素診要經終論王註〕抵上有上字小腹〔甲乙〕作少腹○自陰上入小腹會於任脈之中極關元循章門至期門之所挾胃屬肝下足少陽日月之所絡膽以肝膽相

為表裏也卜貫膈布脇肋自期門上貫膈行足太陰食竇之外大包之裏散布脇肋循喉

嚙之後上入頰額連目系上出額與督脈會於巔〔甲乙〕〔千金〕註云其支者從

足厥陰經穴 二十四 一頁氏醫學五書之一



小腹與太陰少陽結於腰髀夾脊下第三第四骨孔中○頰音杭頰音桑上聲○頰頰明頰也目內深處為目系其內行而上者自腦肋間由足陽明人迎之外循喉嚨之後入頰頰行足陽明大迎地倉四白之外內連目系上出足少陽顴白之外臨泣之裏與督脈相會於頂顛之百會穴 凡陰脈皆不上頭惟厥陰肝脈上達於頂 其支者從目系

下頰裏環唇內 此支者從前目系之分下行任脈之外 本經之裏下頰裏交環於口唇之內 其支者復從肝別貫

膈上注肺 素五藏生成篇王註支下有別字「甲乙」脈經「千金」作上注肺中○又 其支者從期門屬肝處別貫膈行食竇之外本經之裏上注於肺下行至中焦

挾中脘之分以交於手太陰肺經 以盡十二經之一週終而復始也 是動則病腰痛不可以俛仰 足厥陰支別者與太陰少陰之脈同

絡於腰髀下中膠下膠之間故為腰痛刺腰髀為云厥陰之脈令人腰痛腰中如張弓弩弦此即不可以俛仰之證也 丈夫癩疝 甲乙二千 婦

人少腹腫 足厥陰氣逆則為尋腫卒疝婦人少腹腫即疝病也 甚則噤乾面塵脫色 肝脈循喉嚨之後上入頰頰上出額

其支者從目系下頰裏故為此病肝 是主肝所生病者 足厥陰肝經 胸滿嘔

逆殮泄 甲乙脈經 千金作涓泄 狐疝遺溺閉癢 甲乙作遺精癢閉○食氣入胃散精於肝行氣於經肝所生病則肝氣厥逆



不能行散穀精故胸滿嘔逆也肝主疎泄肝氣虛則殄泄遺溺實則閉癰狐疝隨經脈晝夜出入之疝也足厥陰經脈上者挾胃貫膈下者循股陰入毛中過陰器抵小腹故能爲此諸病也爲此諸病盛則寫之虛則補之熱則疾之寒則留之陷下則灸之不盛不虛以經取之盛者寸口大一倍於人迎虛者寸口反小於人迎也

足厥陰爲少陽之裏故候在寸口

〔靈本輸篇〕肝出於大敦大敦者足大指之端及三毛之中也爲井木溜於行間行間足大指間也爲榮注於太衝太衝行間上二寸陷者之中也爲腧行於中封中封內踝之前一寸半陷者之中使逆則宛使和則通搖足而得之爲經

宛鬱同○使逆則宛使和則通言用鍼治此者

逆其氣則通也

入於曲泉曲泉輔骨之下大筋之上也屈膝而得之爲合



足厥陰也

〔靈根結篇〕厥陰根於大敦結於玉英絡於臆中。

玉英即玉堂任脈穴也

〔靈衛氣篇〕足厥陰之本在行間上五寸所標在背膂也。

行間上五寸所

當是中封穴背膂即肝膂

〔靈經別篇〕足厥陰之正別跗上上至毛際合於少陽與別俱

行此為二合也。

足厥陰之正別足跗內行上至陰毛之際合於足少陽與別者俱行上布脇肋此膽肝二經為表裏經脈相為一合是為六合之二也

〔靈經脈篇〕足厥陰之別名曰蠡溝去內踝五寸

內踝下「甲」乙「有上字」

別走

少陽其別者循脛上畢經於莖其病氣逆則翠腫卒疝實則挺

長

長下「甲乙」有熱字

虛則暴癢取之所別也。

蠡音里畢音高莖英行二音○翠陰丸也莖陰莖也足厥陰之絡名蠡溝在足



內踝上五寸別走足少陽者也本經絡陰器上羣結於莖故其所病如此而治此者當取所別之蠡溝也

大敦 一名水泉

〔甲乙〕肝出大敦大敦者木也在足大指端

〔醫統〕內側為隱白外側為大敦〔金鑑〕在足大指

端外側聚毛中

去爪甲

〔素氣穴論王註〕去爪甲角

如韭葉及二毛中

〔新考正〕此穴蓋不在爪甲之兩側而在爪甲後如韭

葉之叢毛中及字蓋是衍文

足厥陰脈之所出也為井刺入三分留十呼灸三壯

〔圖翼〕孕婦產前產後皆不宜灸

〔素繆刺論〕邪客於足厥陰之絡令人卒疝暴痛刺足大指爪甲上與肉交者各一疝男子立已女子有頃已左取右右取左○〔王註〕謂大敦穴

〔甲乙〕平心痛汗出大敦主之出血立已 陰跳〔千金〕作卒暴疝除跳七入腹遺溺小便難而痛陰上下入腹中寒疝陰挺出偏大腫腹臍痛腹中悒悒不樂大敦主之 尸厥不知人脈動

如故臆白及大敦主之 月水不來而多閉心下痛目眩脈不可遠視水泉主之 小兒疝瘕遺精溺虛則病諸癩癩實則閉癰小腹中熱善寐大敦主之



「千金」治氣癩方灸足厥陰大敦左灸右灸各一壯 治小兒陰腫方灸大敦七壯
治小兒遺尿方灸大敦三壯亦治尿血 疝時癢癢便灸足大指節橫理三毛中十壯刺者
百壯衄不止灸之并治陰卵腫 百邪所病第三鍼足大指爪甲下名鬼壘入肉二分 狂
走癩厥如死人灸足大趾三毛中九壯一云灸大敦 卒狂鬼鬻鍼其足大拇趾爪甲入少
許即止 大便不通灸大敦四壯在足大指聚毛中 石淋灸水泉三十壯「註」足大敦是
也 五淋灸大敦三十壯 小便失禁灸大敦七壯 治陰腫痛方灸大敦三壯 辟蠶方

灸兩足大趾聚毛中各二七壯○大敦主目不欲視太息 主臍噎

「外臺」集驗療卒疝暴痛方灸大敦男左女右三壯立已 范汪療心疝方灸兩足大指甲
寅之際甲寅各半炷隨年壯良通按前當作肉 崩後華陀療中惡短氣欲絕方灸兩足大拇
指上甲後聚毛中各灸二七壯即愈又法三七壯

「保命集」陰頭中痛不可忍卒疝也婦人陰中痛皆刺足厥陰并大敦穴

「玉龍賦」兼明門能治堅痲疝氣

「席宏賦」大便秘結宜燒此

「百證賦」兼照海善國寒證

「通玄賦」能除七疝之偏墜

「天星秘訣」兼長強治小腸氣痛

「乾坤生意」兼三陰交治小腸氣痛 治一切冷氣連臍腹結痛小便遺溺

「圖翼」一云凡疝氣腹脹足腫者皆宜灸之以泄肝木而脾胃之土自安



「大成」主婦人血崩不止陰挺出陰中痛

「驗方新編」婦人血崩不止燈心一根蘸香油點燃燒大敦穴一下即止穴在兩足大趾外側甲縫中間不上不下即是倘止復崩即在原處燒之若原處起泡將泡挑破燒之無不止矣此治崩證神效第一方也

行間

「甲乙」行間者火也在足大指間動脈

「千金」外臺
動脈應手

陷者中

「圖翼」

在足大指次指岐骨間上下有筋前後有小骨尖其穴正居陷中「新考正」在足拇指木節前骨節縫間內側白有動脈按之應手馬玄臺謂在兩指岐縫中認作大指外側者非

足

陰脈之所溜也為榮刺入六分留十呼灸三壯

「靈五邪篇」邪在肝則兩脇中痛寒中惡血在內行善掣節時脚腫「甲乙」作筋節時腫善取之行間以引脇下補三里以溫胃中取血脈以散惡血取耳間青脈以去其擊

「厥病篇」厥心痛色蒼蒼如死狀終日不得太息者肝心痛也取行間太衝

「甲乙」欬逆上氣唾沫天容及行間主之 善驚恐不樂厥脛足下熱面盡熱渴行間主之

溺難痛白濁卒疝腹腫欬逆喘吐卒陰跳腰痛不可以俛仰面黑熱腹中脹滿身熱厥痛行間主之 腹痛上搶心心中滿瘧莖中痛怒腫不欲視泣出長太息行間主之 癩疾短



氣喘血胸背痛行間主之 喉痺氣逆口咽噎如扼狀行間主之 月事不利見血〔千金〕
〔外臺〕作見赤白而有身反收〔外臺〕作皮收除寒行間主之

〔脈經〕左手關上陽絕者無膽脈也苦膝疼口中苦眯目善畏如見鬼狀多驚少力刺足厥
陰經治陰在足大指間〔註〕即行間穴也或刺三毛中 左手關上陰實者肝實也苦肉中痛動
善轉筋刺足厥陰治陰 肝病其色青手足拘急脅下苦滿或時眩冒其脈弦長此為可治
春當刺大敦夏刺行間冬刺曲泉皆補之 季夏刺太衝秋刺中渚皆瀉之又當灸明門百

壯

〔千金〕治小兒重舌方灸行間隨年壯穴在足大趾岐中又灸兩足外踝上三壯 治老人

小兒大便失禁灸兩脚大指去甲一寸三壯又灸大指奇間各三壯 治一切痛癢〔註〕凡脚
喘及小脈中癢則黃汁出是名風重 灸足大趾奇間二七壯又灸大趾頭亦佳 行間主面蒼黑

振寒洩白尿難而痛 主驚癩狂疾

〔外臺〕集驗灸卒癩法灸足厥陰左右各三壯穴在足大指間是也 崔氏療小便不通方

足大指奇間有青脈鍼挑血出灸三壯愈 千金翼療莖中痛法灸行間三十壯

〔神農經〕治小腹脹心疼痛寒溼肺氣可灸七壯

〔百證賦〕兼睛明可治雀目汗氣 兼湧泉療消渴

〔通玄賦〕治膝腫腰疼

〔捷法〕兼腫中水分關元三里三陰交治血蠱

〔靈翼〕一曰主便赤溺雞白濁胸背心腹脹痛寫行間火而熱自消木氣自下



太衝

〔甲乙〕太衝者土也在足大指本節後二寸

足跗上廉

或曰一寸五

分陷者中

〔素刺腰痛篇王註〕在足大指本節後內間二寸陷者中動脈應手〔圖翼〕在足大指本節後行間上二寸內間有絡互連至地五會二寸骨罅間動脈應手陷中

〔圖考〕此穴若從大指本節後之行間穴上量一寸三四分適大指與次指之掌骨後端之岐骨間即太衝穴也若從大指與次指合縫之內間上量約二寸此穴雖有動脈按之不能應手若向上稍上外斜寸許即胃經衝陽穴按之有動脈應手

灸三壯

足厥陰脈之所注也為俞刺入三分留十呼

〔靈九鍼十二原篇〕陰中之少陽肝也其原出於太衝

〔厥病篇〕厥心痛色蒼蒼如死狀終日不得太息肝心痛也取之行間太衝

〔口問篇〕痿厥心悵刺足大指間上二寸留之一曰足外踝下留之

〔素三部九候論〕下部天足厥陰以候肝○〔王註〕女子取太衝在足大指本節後二寸陷者中大成診病人太衝脈有無可以決死生

〔上古天真論〕女子二七太衝脈盛月事以時下故能有子

鍼灸經穴圖考 卷六 足厥陰經穴 二十八 黃氏醫書 卷之二



「刺瘡痛」足厥陰之瘡令人腰痛少腹滿小便不利如瘡狀非瘡也數便意恐懼氣不足腹中悒悒刺足厥陰（「王註」太衝主之）

「水熱穴論」踝上各一行行六者此腎脈之下行也名曰太衝

「刺腰痛痛」腰痛上熱刺足厥陰少腹滿刺足厥陰（「王註」太衝主之）

「氣交變大論」歲金太過燥氣流行肝木受邪太衝絕者死不治

「至真要大論」陽明司天燥淫所勝病本於肝太衝絕死不治

「甲乙」瘕互引善驚太衝主之 嘔厥寒時有微熱脇下支滿喉痛隘乾膝外廉痛淫深脛疫腋腫馬刀瘦肩腫吻傷痛太衝主之 環臍痛陰蹇兩丸縮堅痛不得臥太衝主之

暴脹胸脇痞滿足寒大便難面唇白時嘔血太衝主之 腰痛少腹滿小便不利如瘡狀羸瘦意恐懼氣不足腹中怏怏千金在也世太衝主之 狐疝太衝主之 殭泄太衝主之

黃瘰熱中善渴太衝主之 男子精不足太衝主之 乳癰太衝及復溜主之 女子疝及少腹腫澹泄癆遺溺陰痛面塵黑目上背痛太衝主之 女子漏血太衝主之

「脈經」寸口脈濡弱氣弱自汗出是虛損病宜服乾地黃湯薯蕷丸鉞太衝補之 關脈瀉血氣逆冷脈瀉為血虛以中焦有微熱宜服乾地黃湯內補散鉞足太衝上補之 尺脈瀉足脛逆冷小便赤宜服附子四逆湯鉞足太衝補之

「千金」太衝穴鉞灸隨便治馬黃黃疸温疫毒等病 凡上氣冷發腹中雷鳴轉叫嘔逆不食灸太衝不限壯數從痛至不痛從不痛至痛止 下氣灸太衝五十壯 淋病不得小便

陰上痛灸足太衝五十壯 治虛勞浮腫方灸太衝百壯 太衝主澹泄痢注下血 產後



出汗不止刺太衝急補之

〔保命集〕小腸疝痛當刺足厥陰肝經太衝穴

〔神農經〕治寒溼脚氣痛行步難可灸三壯

〔席宏賦〕兼合谷治并連肩脊痛難忍 又云百會照海陰交治咽喉疾 治脚氣膝腫鍼

三里懸鍾三陰交二陵更向太衝引氣

〔標幽賦〕心腹咽痛鍼太衝而必除○〔通玄賦〕治行難步移最奇

〔馬丹陽天星十二穴〕太衝足大指節後二寸中動脈知生死能醫驚癇風咽喉并心腹兩足不能動七疝偏墜腫眼目似雲朦亦能療腰痛鍼下有神功

中封 一名懸泉

〔甲乙〕中封者金也在足內踝前一寸

〔素氣穴論王註〕在足內踝前一寸半

仰足取

之陷者中伸足乃得之

〔圖翼〕在足內踝前一寸筋裏宛宛中一云在內踝前一寸斜行小脈上貼足腕上大筋陷中仰足取之

足

厥陰脈之所注也為經刺入四分留七呼灸三壯

〔素刺瘕篇〕肝瘕者令人色蒼蒼然太息其狀若死者刺足厥陰見血○〔王註〕中封主之
〔甲乙〕色蒼蒼然太息如將死狀振寒洩白便難中封主之 癩疝陰暴痛中封主之 疝

鍼灸經穴翻考 卷之六 足厥陰經 一十九 黃氏 四 五 日 之二



癱瘓少腹引痛腰中痛中封主之 痿厥身重不仁手足偏小先取京骨後取中封絕骨皆
寫之 身黃時有微熱不嗜食膝內內踝前痛少氣身體重千金作身重中封主之 女
子少腹大乳雞千金作字難乾嗜飲中封主之 女子俠臍疝中封主之

「千金」失精筋攣陰縮入股相引痛灸中封五十壯在內踝前筋裏宛宛中喉腫厥逆五藏
所苦膨脹悉主之 男子虛勞失精陰縮灸中封五十壯 五淋不得小便便灸懸泉十四壯
穴在內踝則一寸斜行小脈上是中封之別名 癭灸中封隨年壯在兩足跌上曲尺宛宛

中 鼓脹灸二百壯

「外臺」千金翼淋痛法灸中封穴三十壯亦隨年壯

「玉龍賦」合三里治行步艱楚

「圖翼」能止汗出

蠡溝 一名交儀

「甲乙」足厥陰之絡在足內踝上五寸「圖考」從足內踝頂向上五寸當脛骨上別走少

陽刺入二分留三呼灸三壯

「靈經脈篇」足厥陰之別名曰蠡溝去內踝五寸「甲乙」內踝上五寸別走少陽其別者經脛上
畢結於莖其病氣逆則羸腫卒疝實則挺長虛則暴癢取之所別也



「素刺腰痛論」厥陰之脈令人腰痛腰中如張弓弩弦刺厥陰之脈（新校止）脈字乃絡字誤在
臨踵魚腹之外循之累累然乃刺之其病令人善言默默然不慧刺之三指○「王註」臨踵
者言脈在臨外側下富足跟也臨形如臥魚之腹故曰魚腹之外也循其分肉有血絡累累
然乃刺出之此正當蠡溝穴分

「甲乙」陰跳腰痛實則挺長寒熱攣陰暴痛遺溺偏大虛則暴癢氣逆腫辛痛小便不利
如癢狀數噫恐悸氣不足腹中悒悒少腹痛噎中有熱如有瘕肉狀如著欲出背舉不可俛
仰蠡溝主之 女子疝少腹腫赤白淫時多時少蠡溝主之
「千金」女子漏下赤白月經不調灸交儀三十壯穴在內踝上五寸

中都 一名中都

「甲乙」足厥陰都 在內踝上七寸筋中

「千金」作
筋骨中 與少陰相直「外

脚氣門在陰陵泉三陰交中間是蘇恭一名太陰穴黃帝三部鍼灸
經中都一名中都 都在內踝上七寸筋骨中央「西法」蠡溝上二寸

刺入三分留六呼

灸五壯

「甲乙」腸澼中都主之 崩中腹上下痛中都主之
「千金」中都主癩疝及陰暴敗痛



「大成」中都主脛寒婦人崩中產後惡露不絕

膝關

「甲乙」在犢鼻下一寸陷者中

「神照集」在膝蓋骨下內側陷中與犢鼻平相去二寸「纂要」此所稱犢鼻非指穴而言指犢

鼻骨「圖考」當脛股

二骨相接內側之際

足厥陰脈氣所發刺入四分灸五壯

「玉龍歌註」在膝蓋下犢鼻內

橫鍼透

膝眼

「甲乙」膝內廉痛引臑不可屈伸連股引咽喉痛膝關主之

「圖考」主治風痹膝內腫痛引臑不可屈伸及寒溼走注白虎歷節風痛不能舉動咽喉

中痛

曲泉

「甲乙」曲泉者水也在膝內輔骨下大筋上小筋下陷者中屈



膝得之

「外臺」脚氣門在膝內屈文頭是又云從三里上度一寸五分又橫向脛二寸當脈中是也黃帝三部鍼灸經丙卷曲泉二穴在膝內輔骨下大筋上小筋下陷者

中屈膝而得之「神應經」常膝曲脈橫紋頭內外兩筋宛宛中

足厥陰脈之所入也為合刺入六分留十

呼

「素氣穴論王註」留七呼

灸三壯

「靈癩狂篇」狂而新發者先取曲泉左右動脈及盛者見血有頃已不已以法取之

「厥病篇」病注下血取曲泉

「甲乙」女子疝瘕按之如以湯沃其股內至膝殄泄少腹腫陰挺出痛經水來下陰中腫或癢瀉青汁若萎蕤血閉無子不嗜食曲泉主之

「千金」男子失精膝脛疼痛冷灸曲泉百壯穴在膝內屈文頭 曲泉主癢閉陰痿 主游泄痢注下血 主腹腫 主筋掣膝不得屈伸不可以行 主身熱頭痛汗不出 主癩疝

陰跳痛引膺中不尿陰痿又云痛引莖中

「席宏賦」兼照海陰交更求氣海關元同寫治七疝小腹痛神效

陰包

「甲乙」在膝上四寸

「西法」適當曲泉上四寸

股內廉兩筋間

「大成」跪足取之看膝內側必有槽中 足



足厥陰經 三十一 黃氏醫學 卷四

厥陰別走

〔原註〕此處有缺

刺入六分灸三壯

〔甲乙〕腰痛少腹痛陰包主之

〔大成〕陰包主腰尻引小腹痛小便難遺溺婦人月水不調

五里

〔甲乙〕在陰廉下

〔千金〕〔外臺〕在陰廉下二寸

去氣衝三寸

氣衝足陽明經穴

陰股中動

脈刺入六分灸五壯

〔素三部九候論〕上部天足厥陰以候肝〔王註〕謂肝脈也在毛際外羊矢下一寸半陷中五里之分臥而取之動應於手也

〔甲乙〕寒熱頸癭適欬呼吸難灸五里左取右右取左小腹中滿熱閉不得溺足五里主之

陰廉

〔甲乙〕在羊矢下

〔圖翼〕羊矢在陰旁股內約文縫中皮肉間有核如羊矢

去氣衝二寸動脈中

〔入門〕



陰廉氣衝下二寸動脈中羊矢氣衝外一寸「圖翼」
在羊矢下斜裏三分直上去氣衝二寸動脈陷中

刺入八分「銅人」灸三壯。
留七呼

「甲乙」婦人絕產若未曾生產陰廉主之刺入八分羊矢下一寸是也「外臺」作灸三壯「大成」云灸二壯即有子

急脈

「素氣府論」厥陰毛中急脈各一「王註」在陰髦中陰上兩傍
相去二寸半按之隱指堅然甚按則痛引上下也其左者中寒
則上引少腹下引陰丸善為痛為少腹急中寒此兩脈皆厥陰
之大絡通行其中故曰厥陰急脈即畢之系也可灸而不可刺
病疝少腹痛即可灸

「圖翼」此穴自甲乙經以下諸書皆無是遺誤也經脈篇曰足厥陰循股陰入毛中過陰器又曰其別者循脛上畢結於莖然

此實厥陰之正脈而會於陽明者也



「千金」婦人胞下垂注陰下脫灸俠玉泉二、隨年壯三報

章門

一名長中 脇端

「甲乙」脾募也

〔脈經〕脾募在章門

在大橫外直臍季脇端

〔神應經〕在臍上二寸兩旁各六寸其寸

用胸前兩乳間橫折八寸約之六寸側臥屈上足伸下足取動脈是〔分寸歌〕章門下腕旁九寸肘尖盡處側臥取〔圖翼〕一云肘尖盡處是穴 一云在臍上一寸八分兩旁各八寸半季肋端一云在臍上二寸兩旁各六寸〔西法〕在京門之前即胃府之外側也〔圖考〕在第十一季肋端 足厥陰少陽之會側臥屈上

足伸下足舉臂取之刺入八分留六呼灸三壯

〔銅人〕鍼六分灸百壯

〔靈樞氣失常篇〕衛氣之留於腹中搖積不行苑蘊不得常所使人肢脇胃中滿喘呼逆息上下皆滿者上下取之與季脇之下一寸重者雞足取之○〔類經〕季脇之下一寸當是章門穴雞足刺之謂撥而刺之也

〔難經〕臧會季脇○疏曰臧病治此滑伯仁曰季脇章門穴也為脾之募五臟皆稟於脾故曰臧會〔圖翼〕章門主一切積聚痞塊

〔甲乙〕奔腕腹脹臧章門主之〔千金〕灸章門百壯 石水章門及然谷主之 腹中腸鳴盈盈



然食並不化脇痛不得臥煩熱中不嗜食胸脇積滿喘息而衝滿嘔心痛及傷飽身黃疾骨
羸瘦章門主之 腰痛不得轉側章門主之 腰清脊強四肢懈惰善怒欬少氣鬱然不得
息厥逆肩不可舉馬刀瘦身羸章門主之

〔脈經〕關脈緩其人不欲食此胃氣不調脾氣不足宜服平胃丸補肺湯絨章門補之

〔千金〕扁鵲云治卒中惡風若不識人灸季脇頭七壯 積聚堅滿灸脾募百壯穴在章門
季肋端 吐逆飲食卻出灸脾募百壯三報章門穴也 男子腰脊冷疼爾多白濁灸脾募

百壯 治胞轉小便不得灸章門百壯 章門主口乾 主脇痛不得臥胸滿嘔無所出
主心痛而嘔 主寒中洞泄不化 主腸鳴臏脹欲泄 主身潤石水身腫

〔衛生寶鑑〕治小兒癖氣久不消灸章門各七壯臍後脊中灸二七壯小兒身羸瘦黃豚腹
脹四肢懈惰肩背不舉灸章門

〔楊氏醫案〕給事中楊後山公迺耶思疴疾藥日服而人日瘦予曰此子形羸雖是疴證而
腹內有積塊附於脾胃之旁若徒治其疴而不治其塊是不求其本而揣其末矣先取章門
灸鍼消散積塊後次弟理治脾胃形體漸盛疴疾俱痊

〔大成〕東垣曰氣在於腸胃者取之太陰陽明不下取三里章門中腕魏士珪妻徐病疴自
臍下上至於心皆脹滿嘔吐煩悶不進飲食滑伯仁曰此寒在下焦爲灸章門氣海
〔百證賦〕治胸脇支滿

〔圖經〕一傳治久瀉不止癖塊脹疼

〔奇經考〕張仲景曰大病瘥後腰以下有水氣牡蠣澤瀉散主之若不已灸章門穴



陳修園曰不能食而熱可灸此穴

期門

〔甲乙〕肝募也

〔脈經〕肝募在期門

在第二肋端不容傍各一寸五分

不容足陽明經

穴 上直兩乳

〔問對〕穴直乳下兩肋端〔神應經〕期門在乳旁一寸半直下又一寸半第二肋端縫中其寸用胸前寸折量〔分寸歌〕在巨關旁四寸五分〔圖考〕由

乳頭下直行至肋盡處當第七第八肋相交之下際離任脈旁四寸與中脘穴橫平一線〔新考正〕甲乙外臺言此穴上直兩乳然不容為足陽明經穴去中行任脈二寸期門二穴既言在不

容旁一寸五分則去任脈為三寸五分與兩乳之去中行四寸者不相直矣各本多以爲上直兩乳非是

足太陰厥陰陰維之會舉臂

取之刺入四分灸五壯

〔活人書〕凡婦人病法當鍼期門不用行子午法恐纏藏膜引氣上但下鍼令病人吸五吸停鍼良久徐徐出鍼此

是平瀉法也凡鍼期門必瀉勿

補可肥人二寸瘦人寸半深

〔傷寒論〕少陰脈不至腎氣微少精血奔氣促迫上入胸膈宗氣反聚血結心下陽氣退下熱歸除股與陰相動令身不仁此爲尸厥當刺期門巨關傷寒腹滿譫語寸口脈浮而緊此



肝乘脾也名曰縱刺期門 傷寒發熱尚瘳寒大渴欲飲水其腹必滿自汗出小便利其病欲解此肝乘肺也名曰橫刺期門 太陽與少陽併病頭項強痛或眩冒時如結胸心下痞鞭者當刺大椎第一間肺俞肝俞慎不可發汗發汗則譫語脈弦五六日譫語不止當刺期門 婦人中風發熱惡寒經水適來得之七八日熱除而脈遲身涼胸脇下滿如結胸狀譫語者此為熱入血室也當刺期門隨其實而瀉之 陽明病下血譫語此為熱入血室但頭汗出者刺期門隨其實而瀉之澱然汗出則愈 「總痛論」龐曰凡過經不解譫語者當刺期門隨其實而瀉之刺期門之法須待脈弦或浮緊刺之必愈餘刺之不差以正取肝之邪故也期門穴直乳下當腹旁近脇骨是穴鍼入一寸

「甲乙」痙腹大堅不得息期門主之 欬脇下積聚喘逆臥不安席時寒熱期門主之 奔豚上下期門主之 傷食脇下滿不能轉展反側目青而嘔期門主之 癰遺溺鼠鼯痛小便難而白期門主之 霍亂泄注期門主之 痞不能言期門主之 婦人產餘疾食飲不下胸脇滿眩目足寒心切痛善噫聞酸臭脹痹滿少腹尤大期門主之 「脈經」寸口脈弦心下愠愠微頭痛心下有水氣宜服甘遂丸鍼期門瀉之 寸口脈洪大胸脇滿宜服生薑湯鍼上管期門章門 初持寸口中脈如細堅狀久按之大而深動苦心下有寒胸脇苦痛陰中痛不欲近丈夫也此陰逆刺期門入六分又刺腎俞入五分可灸胃管七壯

「千金」凡一切瘡無問遠近正仰臥以線量兩乳間中屈從乳向下灸度頭隨年壯男左女右 胸痹心痛灸期門隨年壯穴在第二肋端乳直下一寸半 奔豚灸期門百壯穴直



兩乳下第一脇端傍一寸五分 水注口中湧水經云肺來乘腎食後吐水灸期門隨年壯

「外壘」崔氏灸疔氣法從乳下即數至第三肋下共乳上下相當稍似近肉接腰骨外取穴

孔即是灸處兩相俱灸初下火各灸三壯明日四壯每日加一壯至七壯還從三壯起至三

十日即罷右灸法若點時拳脚點即拳脚灸若舒脚點時還舒脚灸

「玉龍賦」兼大敦能治堅疔疝氣

「席宏賦」期門穴主傷寒患六日過經猶未汗但向乳根二肋間又始婦人坐產難

「百證賦」兼溫溜治傷寒項強

「通玄賦」期門退胸滿血膨而可止

「天星秘訣」兼三里治傷寒過經不出汗

「捷徑」治產後噎

「鍼灸問對」十二經始於手太陰之雲門以次而傳終於足厥陰之期門期門者肝之募也

傷寒過經不解刺之使其不再傳也婦人經脈不調熱入血室刺之以其肝藏血也胸滿腹

脹脇下肥氣凡是木鬱諸疾莫不刺之以其肝主病也

「圖翼」一婦人患傷寒熱入血室醫者不識許學士曰小柴胡以遲當刺期門予不能鍼請

善鍼者鍼之如言而愈

